

業行不令雜起所作之業日別須修念佛讀經不留
餘課耳導師云專稱彼佛名專念專想專禮專讚彼
佛及一切聖眾等不雜餘業已問其餘事業有何過
失答寶積經九十二云若有菩薩樂作世業營於眾
務為所不應我說是人住於生死又同偈云戲論諍
論處多起諸煩惱智者應遠離當去百由旬云自餘
方法具如止觀問若人在家人難堪念佛行答世俗
人難棄緣務但常繫念西方誠心應念彼佛如木拽
經瑠璃王行又迦才淨土論云譬如龍行雲即隨之

心若西逝業亦隨之云問既知修行惣有四相其修
行時用心云何答觀經云若有眾生願生彼國者發
三種心即便往生一至誠心二深心三迴向發願心
善導禪師云一至誠心謂禮拜讚歎念觀三業必須
真實故二深心謂信知自身是具足煩惱凡夫善根
薄少流轉三界未出火宅今信知弥陀本弘誓願及
稱名号下至十聲一聲等定得往生乃至一念无有
疑心三迴向發願心謂所作一切善根悉皆迴向願
往生故具此三心必得往生若少一心即不得生抄略

受經文雖在上品上生如禪師鼓音聲經云若能深釋者理通九品餘師釋不能具

信无狐疑者必得往生阿彌陀佛國涅槃經云阿耨菩提信心爲因是菩提因雖復无量若說信心則已攝盡上明知修道以信爲首又善導和尚云若入觀及睡時應發此願若坐若立一心合掌正面向西十聲稱阿彌陀佛觀音勢至諸菩薩清淨大海衆竟而發見佛菩薩及極樂界相之願即隨意入觀及睡得見除不至心問行者常途計念往生其相似何答前所引要決欲歸本國之譬是其相也又安樂集云譬

如有人於空曠迥處值遇惡賊拔劍奮勇直來欲殺此人徑走觀渡一河未及到河即作此念我至河岸爲脫衣渡爲著衣浮若脫衣渡唯恐无暇若著衣浮復畏首領難全下時但有一心作渡河方便无餘心想間雜行者亦尔念阿彌陀佛時亦如彼人念渡念念相次無餘心想間雜或念佛法身或念佛神力或念佛智慧或念佛毫相或念佛相好或念佛本願稱名亦尔但能專至相續不斷定生佛前上元曉師同之問念佛三昧爲唯心念爲亦口唱答如止觀第二

云或唱念俱運或先念後唱或先唱後念唱念相繼
 无休息時聲聲念念唯在阿彌陀又感禪師云觀經
 言是人苦逼不遑念佛善友教令可稱阿彌陀佛如
 是至心令聲不絕豈非苦惱所逼念想難成令聲不
 絕至心便得今此出聲學念佛定亦復如是令聲不
 絕遂得三昧見佛聖眾皎然目前故大集日藏分言
 大念見大佛小念見小佛大念者大聲稱佛也小念
 者小聲稱佛也斯即聖教有何惑哉現見即今諸修
 學者唯須勵聲念佛三昧易成小聲稱佛遂多馳散

此乃學者所知非外人之曉矣已上彼經但云欲多見多欲小見小等云云

然感師既得三昧彼所釋應仰信受更勤諸本小念見小大念見大文出日藏經第九

第三對治懈怠者行人不能恒時勇進或心蒙昧或心
 退屈尔時應寄種種勝事勸勵自心或以三途苦果比
 淨土功德應作是念我已惡道經多劫无利勤苦尚能
 超修行少行得菩提大利不應生退屈惡趣苦淨土相一如前
 或緣往生淨土衆生應作是念十方世界諸有情念
 念往生安樂國彼既丈夫我亦尔不應自輕生退屈
 往生人如下利或應緣佛奇妙功德問何等功德答
 益門料簡門

其事无邊略舉其要

一應思念四十八本願又无量清淨覺經云阿彌陀佛與觀世音大勢至乘大願船汎生死海就此沙婆世界呼喚衆生令上大願船送著西方若衆生肯上大願船者並皆得去此是易往也心地觀經偈云衆生沒在生死海輪迴五趣无出期善逝恆爲妙法船能截愛流超彼岸應念我何時乘悲願船去

二名号功德如維摩經言諸佛色身威相種性戒定智慧解脫知見力无所畏不共之法大慈大悲威儀所行及其壽命說法教化成就衆生淨佛國土具諸佛法悉皆同等是故名爲三藐三佛陀名爲多陀阿伽度名爲佛陀阿難若我廣說此三句義汝以劫壽不能盡受正使三千大千世界滿中衆生皆如阿難多聞第一得念物持此諸人等以劫之壽亦不能受要決云維摩經云佛初三号佛若廣說阿難經劫不能領受成實論釋佛之号前之九号皆從別義物前九号名義功德爲佛世尊說初三号歷劫難周阿難領悟莫能具悉更加六号以製佛名勝德旣圓念其

大善也日上海花嚴偈云若有諸衆生未發菩提心一

得聞佛名決定成菩提首楞嚴經文應作是念我今

既得聞佛尊名願我當作佛如十方諸佛

三佛相好功德六波羅密經云於諸世間所有三世

一切衆生學無學人及辟支佛如是有情無量無邊

所有功德比於如來一毛功德百千万分中不及其

一如是一一毛端皆從如來無量功德之所出生一

切毛端所有功德共成一髮功德如是佛髮八万四

千一一髮中各具如上功德如是合集共成一隨好

功德一切隨好功德共成一相功德一切相功德合

集至百千倍成眉間毫相功德其相圓滿宛轉右遶

如頗脰迦寶明淨鮮白夜闇之中猶如明星毫相舒

之上至色界阿迦臙吒天卷之如舊復為毫相於眉

間住毫相功德至百千倍成肉髻相如是肉髻千倍

功德不及梵音聲相功德又寶積經有無數按量學

者可勘又大集念佛三昧經第五云如此世界及十

方無量無邊諸世界中所有衆生假使盡皆一時成

佛彼諸世尊經無量劫皆還歎佛一毛功德終亦不

盡已上華嚴偈云清淨慈門剎塵數共生如來一妙相

一一諸相莫不然是故見者無臥足應作是念願我

當見佛無邊功德相

四光明威神謂平等覺經云無量清淨無量清淨佛者是阿弥陀

也佛光明最尊第一無比諸佛光明皆所不及也有佛

頂光明照七尺有佛照一里有佛五里有佛二十里

四十里八十里乃至百万佛國二百万佛國八方上

下無央數諸佛頂光所照皆如是也無量清淨佛頂

中光明炎照千万佛國已上取意私云觀經云彼佛圓光如百億大千界此經云

頂中光照千万佛國二經意同耳雙卷經云無量壽佛威神光明最

勝第一諸佛光明所不能及或有佛光照百佛世界

或千佛世界取要言之乃照東方恒河沙佛剎南西

北方四維上下亦復如是是故無量壽佛号無量光

佛無邊光佛無尋光佛無對光佛女一師云炎王光

佛一師云寂清淨光佛一云滅三垢故歡喜

光佛一云遇者悅意故智惠光佛一云智惠所發故

不斷光佛一云恒難思光佛無稱光佛一云不可稱

故自餘名義超日月光佛若在三途勤苦之處見此

光明無復苦惱壽終之後皆蒙解脫非但我今稱其
光明一切諸佛亦復如是若有衆生聞其光明威神
功德日夜稱說至心不斷隨意所願得生其國我說
無量壽佛光明威神巍巍殊妙晝夜一劫尚不能盡

已上取意平等覺經別
云頂光觀經惣云光明譬喻經第三明釋迦文佛光

明相云佛滅百年有阿育王國內民庶歌佛遺典王
意不信念言佛有何德過踰於人而共專信誦習其
文即問大臣國中頗有見佛者答曰聞波斯匿王妹
出家作比丘尼年在西垂云言見佛王即自出往詣

問曰道人見佛不耶答云實尔問曰有何殊異道人
曰佛之功德巍巍難量非我愚賤所能陳之粗說一
事可知殊特我時八歲世尊來入王宮即前禮足頭
上金釵墮落在地求之不得恠其所以如來過去足
跡有千輻輪現光明晃七日即滅登時金釵與地同
色是以不見光滅後得釵乃知為殊特王聞歡喜心
煥開悟略抄華嚴經偈云一一毛孔現光明普遍虛空
發大音諸幽冥所靡不照地獄衆苦咸令滅應作是
念願佛光照我滅生死業苦

五无能害者寶積經三十七云風劫起時世有大風名僧伽多彼風舉此三千世界須弥鐵圍及四大洲八万小洲大山大海高百踰繕那乃至無量百千踰繕那已碎末爲塵又擊壞滅焰摩天宮乃至遍淨天所有宮殿亦皆散滅卽以此風吹如來衣一毛端際尚不能動何況衣角及全衣者上十住論云諸佛不可思議假喻可知假使一切十方世界衆生皆有勢力設有一魔有介所勢力復令十方一一衆生力如惡魔欲共害佛尚不能動佛一毛况有害者偈云若諸世間中欲有害佛者是事皆不成以成不殺法應作是念願我當得佛金剛不壞身

六飛行自在同論云佛於虛空舉足下足行住坐臥皆得自在若大聲聞神通自在一日過五十三億二百九十六万六千三千大千世界如是聲聞百歲所過佛之念過乃至恒河中沙一沙爲一河是諸恒河沙大劫所過國土佛一念中過若欲踏寶蓮華而去卽能成辦如是飛行一切无尋觀佛經云於虛空舉足行時千輻輪相皆兩八万四千蓮華如是衆華有

塵數佛亦步虚空已上略抄又蹈空行而千輻輪現於地
際悅意妙香鉢特摩花自然踊出承如來足若畜生
趣一切有情為如來足之所觸者極滿七夜受諸快
樂命終之後往生善趣樂世界中寶積經若以卅里盤
石從也究竟天下經一萬八千三百八十三年到此
地直下尚尔推之應知聲聞飛行如來飛行展轉不可
思議花嚴經慧林菩薩讚佛偈云自在神通力无量
難思議無來亦無去說法度眾生應作是念願我得
神通遊戲諸佛土

七神通无碍十住論云佛能末恒河沙等世界令如
微塵又能還合或又能變无量无边阿僧祇世界皆
令作金銀等又能變恒河沙等世界大海水皆使為
乳蘊等已上淨名經說菩薩不思議解脫云斷取三千
大千世界如陶家輪著右掌中擲過恒河沙世界之
外其中眾生不覺不知已之所住又復還置本處都
不使人有往來想而此世界本相如故又於下方過
恒河沙等諸佛世界取一佛土舉著上方過恒河沙
無數世界如持針鋒舉一葉葉而无所燒以須弥山

納芥子中以四大海入一毛孔亦復如是其中衆生
不覺不知唯應度者乃知見之上菩薩尚尔何況佛
力故度諸佛境界經云能令十方世界入一毛孔乃
於一微塵能現无量無數不可說世界一切衆生亦
无迫迫无量無數不可說劫威儀果報事能於一念
中現一念威儀果報事於无量無數不可說劫中現
如是所住心无功用不作思惟華嚴經真實幢菩薩
偈云一切諸如來神通力自在悉於三世中求之不
可得應作是念我今亦不知爲佛神力轉在何佛土

在誰毛孔我於何時得覺知之

八隨類化現十住論云佛一念中於十方无量无边

恒河沙等世界變化无量佛身一一化佛亦能施種

種佛事

已上四事
神境通

度諸佛境界經云如來所現无異

功用无異思惟隨衆生性自見不同如十五日夜闇

浮提人各見月現在其上月不作意我現其上華嚴

偈云如來廣大身究竟於法界不離於此座而遍一

切處又云智慧甚深功德海普現十方无量國隨諸

衆生所應見光明遍照轉法輪應作是念願我當見

遍法界身

九天眼明徹十住論云大力聲聞以天眼見小千國
土亦見中衆生生時死時小力辟支佛見十小千國
土見中衆生生時死時中力辟支佛見百小千國土
見中衆生生時死時大力辟支佛見三千大千國土
見中衆生生死所趣諸佛世尊見无量无边不可思
議世間亦見是中衆生生時死時已華嚴經偈云佛
眼廣大无边際普見十方諸國土其中衆生不可量
現大神通悉調伏應作是念今弥陀如來遙見我身

業

十聲聞自在十住論云假令恒河沙等三千大千世
界衆生一時發言又一時作百千種伎樂若遠若近
隨意能聞若欲於中聞一音聲隨意得聞餘者不聞
又過无边世界最細聲皆亦得聞若欲令衆生聞能
令得聞抄華嚴文殊偈云一切世間中所有諸音聲
佛智皆隨了亦无有分別已應作是念今弥陀如來
定聞我所有語業

十一知他心智十住論云佛能知无量无边世界現

在衆生心及諸深淨所緣等又能知无色衆生諸心
抄 華嚴文殊偈云一切衆生心普在於三世如來於
一念一切悉明達應作是念今於陀如來必知我意
業

十二宿住隨念智十住論云佛若欲念自身及一切
衆生无量无边宿命一切事皆悉知无有不知過恒
河沙等劫事是人何處生姓名貴賤飲食資生苦樂
所作事業所受果報心何所行本從何來如是等事
即能知見偈云宿命智无量天眼見无边一切人天

中无能知其限應念願佛令我宿業清淨

十三智慧无碍寶積經三十七云假使有人取恒河
沙等世界所有一切草木悉燒爲墨擲置他方恒河
沙等世界大海於百千歲就以磨之盡爲黑汁佛從
大海中取一一墨滴分別了知是其世界如是草木
其根其莖其枝其條花菓葉等又如有人持一毛端
露水一滴來至佛所而作是言敢以滴水持用相寄
後若須者當還賜我尔時如來取其滴水置菟伽河
中而爲彼河流浪迴渡之所旋轉和合引注至于大

海是人滿百年已而白佛言先寄滴水今請還我介
時佛以一分毛端就大海內露本水滴用還是人畧
六波羅蜜經云如是四州及諸山王用爲紙素八大
海水以爲其墨一切草木用爲其筆一切人天一劫
書寫比舍利弗所得智惠十六分中不及其二又於
此三千大千世界其中衆生所有智惠如舍利弗等
无有異菩薩一達布施波羅蜜多所有智惠過彼百
倍又此三千大千世界所有衆生皆具布施波羅蜜
多智惠不及一菩薩所得淨戒波羅蜜多智惠乃至
般若亦復如是又此三千大千世界所有衆生皆具
六波羅蜜智惠不及一初地菩薩智惠乃至十地展
轉如是又此十地菩薩智惠比汝慈氏一生補處菩
薩智惠百千分中不及其一此三千大千世界一切
衆生所有智惠皆如慈氏等无有異如是菩薩坐於
道場降伏魔怨將成正覺所有智惠於佛智惠百千
万分不及其二寶積經云假使十方无量无边一切
世界所有衆生皆悉成就繫屬一生補處菩薩之智
惠欲比如來十力之一處非處智百千万分不及其一

至乃鳥波丘沙隄分不及其一乃至筭數譬喻所不能
及華嚴經偈言如來甚深智普入於法界能隨三世
轉與世爲明道同經普明智菩薩讚佛偈云一切諸
法中法門无有邊成就一切智入於深法海_上應作
是念願今弥陀照見我三業願得如世尊惠眼第一
淨_上

十四能調伏心十住論云諸佛若入定若不入定欲
繫心一緣中隨意久近如意能住從此緣中更佳餘
緣隨意能住若佛住常心欲令人不知則不能知假
使一切衆生知他心智如大梵王如大聲聞辟支佛
成就智慧知他人心欲知佛常心若佛不聽則不能
知應念願令我得佛覺三昧

十五常在安惠同論云諸佛安穩常不動念常在心
何以故先知而後行生隨意所緣中住无礙行故斷
一切煩惱故出過動性故如佛告阿難佛於此夜得
阿耨菩提一切世間若天魔梵沙門婆羅門以盡苦
道教化周畢入无餘涅槃於其中間佛於諸受知起
知住知生知滅諸相諸觸諸覺諸念亦知起知住知

生知滅惡魔七年晝夜不息常隨逐佛不得佛短不見佛念不在安惠偈云其念如大海湛然在安穩世間无有法而能擾乱者應念願佛除滅我僣動覺觀心

十六悲念衆生大般若經云十方世界无一有情如來大悲所不能照寶積經云假使過於恒河沙等諸佛世界唯一衆生是佛化限尔時如來躬往其所爲說法要令其悟入同經偈云爲利一衆生住无边劫海令其得調伏大悲心如是華嚴經文殊讚佛偈云

一一地獄中經於无量劫爲度衆生故而能忍是苦大經偈云一切衆生受異苦悉是如來一人苦乃衆生不知佛能救故謗如來及法僧大論云佛以佛眼一日一夜各三時觀一切衆生誰可度者无令失時有論云譬如魚子母若不念子則爛壞衆生亦尔佛若不念善根即壞莊嚴論偈云菩薩念衆生愛之徹骨髓恒時欲利益猶如一子故由此等義有懺悔偈云如父母有子始生便盲聾慈悲心懇重不捨而養活子不見父母父母常見子諸佛視衆生猶如羅賤

羅衆生雖不見實在諸佛前上已應作是念彌陀如來常照我身護念我善根觀察我機緣我若機緣熟不失時被引接

十七佛无尋辨說十住論云若二千界所有四天下滿中微塵數三千大千世界衆生皆如舍利弗如辟支佛皆悉成就智慧樂說壽命如上塵數大劫是諸人等因四念處盡其形壽問難如來如來還以四念處義答其所問言義不重樂說无窮又云佛有所說皆有利益終不空言是亦希有乃至若一切衆生智慧

勢力皆如辟支佛是諸衆生若不承佛意欲度一人无有是處若是諸人說時乃至不能断无色界結使一豪釐若佛欲度衆生有所言說乃至外道邪見諸龍夜叉等及餘不解佛語者皆悉令解是等亦能轉化无量衆生乃至是故佛名最上導師偈云問於四問答中超絕无倫匹衆生諸問難一切皆易得若於三時中諸有所說者言必不虛設常有果報上已華嚴經偈云諸佛廣大音法界靡不聞菩薩能了知善入音聲海淨名經偈云佛以一音演說法衆生隨類各

得解皆謂世尊同其語斯即神力不共法又譬喻經
第三云阿育王意不信佛時海邊有鳥名爲鶉隨其
音甚哀和頗有髣髴似佛音聲方分之一王聞其音
歡喜即發无上道意宮中媿女凡七千人復發无上
道意王從是遂信三尊鳥之音聲所度如是況於至
真清淨妙音者乎取意畧抄應念我何時得聞彼辨說
十八觀佛法身如文殊師利菩薩言我觀如來即真
如相无動无作无所分別无異分別非即方處非離
方處非有非無非常非斷非即三世非離三世无生

无滅无去无來无染不染无二不二心言路絕若以
此等真如之相觀於如來名真見佛亦名禮敬親近
如來實於有情能爲利樂大般若占察經下卷地藏菩
薩云一實境界者謂眾生心體從本已來不生不滅
自性清淨无鄣无碍猶如虚空離分別故平等普遍
无所不至圓滿十方究竟一相无二无別不變不異
无增无減以一切眾生心一切聲聞辟支佛心一切
菩薩心一切諸佛心皆同不生不滅无染寂靜真如
相故所以者何一切有心起分別者猶如幻化无有

定實乃至一切世界求心形狀无一區分而可得者但以衆生无明癡闇動習因緣妄現境界令生念著所謂此心不能自知无妄自謂有起覺知想計我我所而實無有覺知之想以此妄心畢竟無身不可見故乃至廣說以信解觀念此理爲菩薩最初根本業也此一實境界即是如來法身也華嚴經一切慧菩薩偈云法性本空寂无取亦无見性空即是佛不可得思量上應念我何時得顯本有性

十九物觀佛德如普賢菩薩云如來功德假使十方

一切諸佛經不可說不可說佛刹極微塵數劫相續演說不可窮盡上又阿彌陀佛威神無極如雙卷經云無量壽佛威神无極十方世界无量无边不可思議諸佛如來莫不稱歎龍樹偈云世尊諸功德不可得度量如人以尺寸量空不可盡同讚阿彌陀偈云諸佛無量劫讚揚其功德猶尚不能盡歸命清淨人應念願我得佛齊正法王

二十飲水教文般舟經云是三昧難得值正使求是三昧至百億劫但欲得聞其名聲不能得聞何況得

學者轉復行教人偈言

我自識念往世時

其數具足六萬歲

常隨法師不捨離

初不得聞是三昧

有佛号曰具至誠

時智比丘名和隣

彼佛世尊涅槃後

比丘常持是三昧

我時為王君子種

夢中逮聞是三昧

和隣比丘有斯經

王當從受此定意

從夢覺已即往求

輒見比丘持三昧

即除髮鬚作沙門

學八千歲一時聞

其數具足八萬歲

供養奉事此比丘

時魔因緣數興起

初未曾得一反聞

是故比丘比丘尼

及清信士清信女

持是經法囑汝等

聞是三昧疾受行

常敬習持是法師

具足一劫無得懈乃至

假使億千那術劫

求是三昧難得聞

設令世界如恒沙

滿中珍寶用布施

若有受是一偈說

敬誦功德過於彼

雙卷經云設有大火充滿三千大千世界要當過此

聞是經法歡喜信樂受持讀誦如說修行所以者何
多有菩薩欲聞此經而不能得若有眾生聞此經者
於无上道終不退轉是故應當專心信受持讀誦如
說修行^上日應作此念或過大千猛火聚或經億劫應
求法我既值遇深三昧如何退屈不勤修行者於此
諸事若多若少隨樂憶念若不能憶念須披卷對文
或決擇或誦詠或戀慕或敬禮近為勤心之方便遠
結見佛之因緣凡三業四儀勿忘佛境界矣聞信受
憶念如來如是種種功德有何勝利答度諸佛境界

經云若於十方世界微塵等諸佛及聲聞眾施百味
飲食微妙天衣日日不廢滿恒沙劫彼佛滅後為一
一佛於十方界一一世界起塵數塔眾寶莊嚴種種
供養一日三時日日不廢滿恒沙劫復教無數无量
眾生設諸供養若有一人信此如來智慧功德不可
思議境界所得功德勝彼無量^取又華嚴偈云如來
自在力無量劫難遇若生一念信速證無上道餘如
下利益門問凡夫行人逐物意移何常得起念佛之
心答彼若不能直念^下念佛應寄事事^中勸發其心謂遊

戲談咲時願於極樂界寶池寶林中與天人聖眾如
 是得娛樂若憂苦時願共諸眾生離苦生極樂若對
 尊德當願生極樂如是奉世尊若見卑賤當願生極
 樂利樂孤獨類凡每見人畜當應作是念願共此眾
 生往生安樂國若飲食時當願受極樂自然微妙食
 衣服臥具行住坐臥暹緣順緣一切准知寄事作願是華嚴經
 等例也

往生要集卷中本終

往生要集卷中末

天台首楞嚴院沙門源信撰

第四止惡修善者觀佛三昧經云此念佛三昧若成
 就者有五因緣一者持戒不犯二者不起邪見三者
 不生憍慢四者不恚不嫉五者勇猛精進如救頭燃
 行此五事正念諸佛微妙色身冷心不退亦當讀誦
 大乘經典以此功德念佛力故速疾得見无量諸佛
已問此六種法有何義耶答同經云以淨戒故見佛
 像面如真金鏡了了分明又大論云佛如醫王法如

良藥僧如瞻病人或如服藥禁忌已故知設服法藥
 不持禁戒无由除愈煩惱病患故般舟經云不得破
 戒大如毛髮已上觀佛經云若起邪念及貢高法當
 知此人是增上慢破滅佛法多使衆生起不善心亂
 和合僧顯異惑衆生是惡魔伴如是惡人雖復念佛
 失甘露味此人生處以貢高故身恒卑小生下賤家
 貧窮諸衰无量惡業以為嚴飾如是種種衆多惡事
 當自防護今永不生已上邪見慢六波羅蜜經云无量劫
 中修行諸善无安忍力及智慧眼一念瞋火燒滅无

餘又遺教經云劫功德賊无過瞋恚又或處說云能
 損大利莫過瞋一念因緣悉焚滅俱胆廣劫所修善
 是故慙懃常捨離大集月藏分說无瞋功德云常與
 賢聖相會得著於三昧已上雙卷經云今世恨意微
 相憎嫉後世轉劇至成大怨云云又嫉毀他人其罪甚
 重如寶積經九十一云佛在施鹿園時有六十菩薩
 業障深重諸根闇鈍頂禮佛足悲感流淚不能自起
 時佛告言汝等應起勿復悲啼生大熱惱汝曾於物
 留孫佛法中出家為道自執著多聞持戒頭陀少欲

時有二說法比丘多諸親友名聞利養汝等以嫉妬心妄言誹謗令彼親友諸衆生無隨順心斷諸善根由此惡業於六十百千歲中生阿鼻地獄餘業未盡復於四十百千歲中生等活地獄復於二十百千歲中生黑繩地獄復於六十百千歲中生燒熱地獄從彼沒已還得爲人五百世中生盲无自在在所生忘失正念障礙善根形容醜缺人不喜見常生邊地貧窮下劣從此沒已於後末五百歲中法欲滅時還於邊地下劣家生匱乏飢凍忘失正念設欲修善多諸

留難五百歲後惡業乃滅於後得生阿彌陀佛極樂世界是時彼佛當爲汝等授阿耨菩提記時諸菩薩聞佛所說舉身毛豎深生憂悔便自收淚自言我從今日至未來際若於菩薩乘人見有違犯舉露其過我等卽爲欺誑如來我從今日至未來際若見在家出家菩薩乘人以欲樂遊戲歡娛終不徇求其過常生信敬起教師想我從今日至未來際若不善能摧伏其身生下劣想如旃陀羅及於狗犬則爲欺誑如來若於持戒多聞頭陀少欲知足一切功德身自炫

曜則為欺誑如來所修善本不自矜伐所行罪業慙
 愧發露若不爾者為欺誑如來時佛讚言善哉善哉
 以則如是決定心一切業障皆悉消滅无量善根亦
 當增長抄略是故大論偈云自法愛染故毀些他人法
 雖持戒行人不脫地獄苦已上嫉妬同論偈云馬井二比
 丘懈怠墮惡道雖見佛聞法猶亦不自勉已上又若无
 精進行難成就故華嚴經偈云如鑽燧求火未出而
 數息火勢隨止滅懈怠者亦然已上精進讀誦大乘功德
 无量如金剛般若論偈云福不趣菩提二能趣菩提

於實名了因於餘名生因

已上觀佛經六種法畢彼經嫉恚精進不具說之故

以餘文釋成經意

般舟經亦有十事如彼經言若有菩薩學

誦是三昧者有十事一不嫉妬他人利養二悉當愛

敬人孝順於長老三當念報恩四不妄語離非法五

常乞食不受請六精進經行七晝夜不得臥出八常

欲布施終无惜悔九深入惠中无所著十敬事善師

如佛

抄略

問般舟經亦有四四十六法種十住婆沙第

九有百四十餘種法念佛三昧經有種種法又華嚴

經入法界品偈云若有信解離憍慢發心即得見如

來若有諂誑不淨心億劫尋求莫值遇觀佛經云晝
 夜六時勤行六法端坐正受當樂少語除讀誦經廣
 演法教終不宣說無義之語常念諸佛心心相續乃
 至無有一念之間不見佛時心專精故不離佛日又
 遺日摩尼經說沙門墮牢獄有多事或求人欲得供
 養或多欲積衣鉢或與白衣厚善或常念愛欲或喜
 交結知友文有多法畧抄問今何不舉彼等法耶答若廣出
 之還令行者生退轉心故略舉要若堅持十重四十
 八輕戒理必助成念佛三昧亦應任運持得餘行况

具六法或具十法何行不攝故略不述然龐強惑業
 令人覺了但無義語其過顯不恒障正道善應治之
 或應依大論文如人失火四邊俱起云何安處其內
 語說餘事此中佛說若說聲聞辟支佛事猶為無益
 之言何況餘事已行者常於娑婆依正生火宅想絕
 无益語想續念佛問往生論說念佛行法云遠離三
 種善提門相違法何等三種一者依智惠門不求自
 樂遠離我心貪著自身故二者依慈悲門拔一切衆
 生苦遠離无安衆生心故三者依方便門憐愍一切

衆生心遠離供養恭敬自身心故是名遠離三種菩提門相違法故菩薩遠離如是三種菩提門相違法得三種隨順菩提門法滿足故何等二者无染清淨心不爲身求諸樂故二者安清淨心拔一切衆生苦故三者樂清淨心以令一切衆生得大菩提故以攝取衆生生彼國土故是名三種隨順菩提門法滿足已此中何故不依彼論答前四弘中具足此六法文言雖異其義無闕問念佛自滅罪何必堅持戒答若一心念誠如所責然盡日念佛閑檢其實淨心是

一兩其餘皆濁亂野鹿難繫家狗自馴何況自恣心其惡幾許乎是故要當精進持淨戒猶如護明珠後悔何及善思念之間誠如所言善業是今世所學雖欣動退妄心是永劫所習雖狀猶起旣爾以何方便治之答其治非一如次第禪門云一治沈惛闇塞障者應觀念應佛卅二相中隨取一或先取眉間毫相閉目而觀若心闇鈍懸成不成當對一好嚴形像一心取相緣之入定若不明了開眼更觀復更閉目如是取一相明了次第遍觀衆相使心眼開明卽破惛

睡沉闇之心念佛功德則除罪障二治惡念思惟障者應念報佛功德正念之中緣佛十力四无所畏十入不共一切種智圓照法界常寂不動普現色身利益一切功德无量不可思議何以故此念佛功德從勝緣善法中生心數惡念思惟從緣惡法中生心數善能破惡故應念報佛譬如醜陋少智之人在端正大智人中即自鄙耻惡亦如是在善心中則恥愧自息緣佛功德念念之中滅一切障三治境界逼迫障者應念法佛法佛者即是法性平等不生不滅无有形

形色空寂无爲无爲之中既无境界何者是逼迫之相知境界空故即是對治若念卅二相即非對治何以故是人未緣相時已爲境界惱亂而更取相者因此著魔狂亂其心今觀空破相除諸境界在心念佛功德无量即滅重罪抄略別相治如是今加三通治一能了惑起驚覺其心呵責煩惱如駢惡賊防護三業如擎油鉢如六波羅蜜經云結跏趺坐正念觀察以大悲心而爲屋宅智慧爲鼓以覺悟杖而扣繫之告諸煩惱汝等當知諸煩惱賊從妄想生我法王家有

善事起非汝所爲汝宜速出若不時出當斷汝命如是告已諸煩惱賊尋自散次於自身善起防護不應放逸又菩薩處胎經偈云如彼犯罪人擎持滿鉢油若棄油一滷罪交入大僻左右作伎樂懼死不顧視菩薩修淨觀執意如金剛毀譽及惱亂心意不傾動解空本來淨无彼此中間二通用四句推求一切煩惱根源謂此煩惱爲由心生爲由緣生爲共生爲離生若由心生者更不待緣或於龜毛兎角應生貪瞋若由緣生者應不用心或令眠人生於煩惱若共生

者未共各无共時安有譬如一沙雖合無油或心境俱合那有不生煩惱時若離生者既離心離緣那忽生煩惱或虛空離二常應生煩惱種種觀察既无實生无所從來亦无所去非內非外亦非中間都无處所皆如幻有非唯惑心觀心亦爾如是推求惑心自滅故心地觀經偈云如是心法本非有凡夫執迷謂非無若能觀心躰性空惑障不生便解脫云又中論第一偈云諸法不自生亦不從他生不共不無因是故知无生應依此偈用多四句三者應念今我惑心

具足八万四千塵勞門彼彌陀佛具足八萬四千波
羅蜜門本來空寂一躰无尋貪欲卽是道恚癡亦如
是如水與水性非異處故經云煩惱菩提體無二生
死涅槃非異處云云我今未有智火分故不能解煩
惱冰成功德水願佛哀愍我如其所得法定惠力莊
嚴以此今解脫如是念已舉聲念佛而請救護如止
觀云如人引重自力不前假傍救助則蒙輕舉行人
亦爾心弱不能排障稱名請護惡緣不能壞已若惑
覆心不令欲修通別對治須知其意常爲心師不師

於心問若破戒者三昧不成云何觀佛經云此觀佛
三昧是一切衆生犯罪者藥破戒者護答破戒已後
爲滅前罪一心念佛爲此名藥若常毀犯三昧難成
第五懺悔衆罪者設爲煩惱迷亂其心毀禁戒者應
不過日管修懺悔如大經十九云若覆罪者罪則增
長發露懺悔罪卽消滅又大論云身口意惡不悔欲
見佛无有是處已懺法非一隨樂修之或五躰投地
遍身流汗歸命彌陀佛念眉間白毫發露涕泣應作
此念過去空王佛眉間白毫相彌陀尊禮敬滅罪今

得佛我今禮彌陀佛亦當復如是須隨罪根哀請佛
光謂放檀光滅慳弊罪放戒光滅毀禁罪放忍辱光
滅瞋恚罪放精進光滅懈怠罪放禪定光滅散亂罪
放智慧光滅愚惑罪如是若一日若至七日除百千
劫煩惱重障或須臾間坐禪入定念佛白毫令心了
了无謬亂想分明正住注意不息除却九十六億那
由他等劫生死之罪或一心念彼佛神咒一遍能滅
四重五逆七遍能滅根本之罪出餓或復心地觀經
明理懺悔云一切諸罪性皆如顛倒因緣妄心起如
是罪相本來空三世之中无所得非內非外非中間
性相如如俱不動真如妙理絕名言唯有聖智能通
達非有非无非有无非不有无離名相周遍法界无
生滅諸佛本來同一體唯願諸佛垂加護能滅一切
顛倒心願我早悟真性源速證如來无上道問真觀
念佛既能滅罪何故更修理懺悔耶答誰言一一修
之但隨意樂何況觀衆罪性空无所有即是眞實念
佛三昧如華嚴偈云現在非和合未來亦復然一切
法无相是卽佛眞躰佛藏經念佛品云見无所有名

為念佛見諸法實相名為念佛无有分別无取无捨
是真念佛已諸餘空无相等觀准之皆應攝入念佛
三昧問如是懺悔有何勝德答心地觀經偈云在家
能招煩惱因出家亦破清淨戒若能如法懺悔者所
有煩惱悉皆除至乃懺悔能出三界獄懺悔能開菩提
花懺悔能見佛大圓鏡懺悔能至於寶所問此中何
者為最勝耶答若約一人順機為勝若汎爾判理懺
為勝故如來秘密藏經下卷佛告迦葉言若少不善
若其堅住堅執堅著一切我說名之為犯迦葉五無

間罪若不堅住堅執堅著生於見者我不說彼名曰
為犯况復餘少不善業道迦葉我不以不善法而得
菩提亦不以善法而得菩提至乃解知煩惱從因緣生
名得菩提迦葉云何為解知從因緣所生煩惱解知
其无自性起法是无生法如是解知名得菩提又決
定毗尼經云於大乘中發起修行日初分時有所犯
戒於日中分不離一切智心如足菩薩或身不壞若
日中分有所犯戒於日後分不離一切智心如足菩
薩或身不壞至若夜後分有所犯戒於日初分不離

一切智心如_是菩薩或身不壞以_是義故菩薩乘人持開遮戒設有_所犯不應失念妄生憂悔自惱其心於聲聞乘有所犯者便為破壞聲聞淨戒云一切智心者准餘處說是第一義空相應心或可是願求佛種智心也問若修懺悔能滅眾罪云何大論卅六云戒律中戒雖復細微懺悔即清淨犯十善戒雖復懺悔三惡道罪不除又十輪經說造十惡輪罪一切諸佛之所不救答觀經十念能滅五逆觀佛經念佛一相能滅十惡五逆大經闍王懺除殺父之罪般若經

讀誦解說能滅殺害三界衆生之罪不墮惡趣華嚴經誦普賢願一念能滅十惡五逆明知大乘實說无不滅罪然此論文或是轉重輕受非全不受名之不除或是隨轉理門之說又感禪師會十輪經云如來密意欲令畏罪等云云餘如下料簡念佛相門此等皆是別時懺悔然行者常當修三事如大論云菩薩必須晝夜六時修懺悔隨喜勸請三事略五念門中禮拜之次應修此事十住婆娑懺悔偈云十方无量佛所知无不盡我今悉於前發露諸黑惡三三合九

種從三煩惱起今身若前身是罪盡懺悔於三惡道

中若應受業報願於今身償不入惡道受三三合九種者身口

意各有現世後自作教使見作隨喜也業從三煩惱起者三苛三毒三品煩惱勸請偈云十

方一切佛現在成佛者我請轉法輪安樂諸衆生十

方一切佛若欲捨壽命我今頭面禮勸請今久住隨

喜偈云所有布施福持戒修禪行從身口意生去來

今所有習行三乘人具足三乘者一切凡夫福皆隨

而歡喜已又常行三昧法奉三昧真言教等皆各有

文隨意用之若樂略者可依彌勒菩薩本願經一偈

經云佛語阿難彌勒菩薩本求道時不持耳鼻頭目

手足身命珍寶城邑妻子及以國土布施與人以成

佛道但以善根安樂之行得致无上正真之道阿難

白佛彌勒菩薩以何善根得致佛道佛語阿難彌勒

菩薩晝夜各三正衣束體又手右膝着地向於十方

說偈言我悔一切過勸明衆道德歸命禮諸佛令得

无上慧佛語阿難彌勒菩薩以是善根得於无上正

真之道已問修此懺悔勸請等事得幾處福答十住

論偈云若於一時中福德有形者恒河沙世界乃自

德生要集
卷中
三
不容受

第六對治魔事者問種種魔事能障正道或令發病
患或令失觀念或令得邪法所謂若有見若无見若
明了若昏闇若邪定若攀緣若悲若喜若苦若樂若
禍若福若惡若善若憎人若戀著若心強若心軟如
是等事若過若不及皆是魔事悉障正道何以對治
之答治道雖多今但應依念佛一治此中亦有事理
一事念者言行相應一心念佛時諸惡魔不能沮壞
問何故不壞答佛護念故法力故不能沮壞如大

般若對治魔事出番番二法其中云一如所言皆悉
能作二為諸佛常為護念又般若經云若闕又鬼神
壞人禪奪人念設欲中是菩薩者終不能中云云餘
如下利益門二理念者如止觀第八云知魔界如佛
界如一如无二如平等一相不以魔為戚以佛為欣
安之實際至乃魔界即佛界而眾生不知迷於佛界橫
起魔界於菩提中而生煩惱是故起悲欲令眾生於
魔界即佛界於煩惱即菩提是故起慈悲上應作是
念魔界佛界及自他界同空無相此諸法无相是即

佛真體當知魔界卽是佛身亦卽我身理无二故而
諸衆生妄想夢未覺不解一實相生是非想輪迴五
道願令衆生入平等慧如是深起无緣大悲乃至雖
觀佛妙色身入三空門不應執著如熟金丸雖見色
妙不可手觸況於餘事生著生慢作是觀時魔不姐
壞故大般若經亦說其治云一觀諸法皆畢竟空二
不棄捨一切有情又大論云十二入皆是魔網虛狂
不實於此中生六種識亦是魔網虛狂何者是實唯
不二法无眼無色乃至无意无法等是名實令衆生

離十二入故常以種種因緣說是不二法已問何故
觀空魔不得便答彼論云一切法中皆不著不著故
无違錯无違錯故魔不能得其便譬如人身无瘡雖
臥毒屑中毒亦不入若有小瘡則死又大集經月藏
分中他化天魔王發菩提心受記發願云我等護念
現在未來諸佛弟子與第一義相應住者供給供養
若不順我教惱亂行者卽令彼類得種種病退失神
通取明知實魔不得便推魔護念耳前二種治皆有
證據故不更引諸師所釋

第七惣結要行者問上諸門中所陳既多未知何業
爲往生要答大喜提心護三業深信至誠常念佛隨
願決定生極樂况復具餘諸妙行問何故此等爲往
生要答喜提心義如前具釋三業重惡能障正道故
須護之往生之業念佛爲本其念佛心必須如理故
具深信至誠常念三事常念有三益如迦才云一者
諸惡覺觀畢竟不生亦得消於業障二者善根增長
亦得種於見佛因緣三者薰習熟利臨命終時正念
現前已業由願轉故云隨願往生物而言之護三業
是止善稱念佛是行善喜提心及願扶助此二善故
此等法爲往生要其旨出經論不能具之

大文第六別時念佛者有二初明尋常別行次明臨
終行儀第一尋常別行者於日日行法不能常勇進
故應有時修別時行或一二三日乃至七日或十日
乃至九十日隨樂修之所言一日乃至七日者導和
尚云般舟三昧經佛告跋陀和持是行法便得三昧
現在諸佛悉在前立其有比丘比丘尼優婆塞優婆
夷如法持戒完具獨一處正念西方阿彌陀佛今現

在彼隨所聞當念去此十萬億佛刹其國名須摩提
一心念之一日一夜若七日七夜過七日已後見之
譬如夢中所見不知晝夜亦不知內外不由在冥中
有所蔽礙故不見跋陀和四眾常作是念時諸佛境
界中諸大山須彌山其有幽冥之處悉爲門闕无所
蔽礙是四眾不持天眼徹視不持天耳徹聽不持神
足到其佛刹不於此間終生彼間便於此坐見之佛
言四眾於此間國土念阿彌陀佛專念故得見之卽
問持何法得生此國阿彌陀佛報言欲來生者常念

我名莫得休息卽得來生佛言專念故得往生當念
佛身三十二相八十種好巨億光明徹照端正无比

在菩薩僧中說法莫壞色何以故不壞色故由念佛

色身故得是三昧已上明念佛三昧法此文在彼經行品中若覺不見佛於夢中見之

欲入三味道場時一依佛教方法先須料理道場安

置尊像香湯掃灑若无佛堂有淨房亦得掃灑如法

取一佛像西壁安置行者等從月一日至八日或從

八日至十五日或從十五日至廿三日或從廿三至

三十日月別四時佳行者等自量家業輕重於此時

中入淨行道若一日乃至七日盡須淨衣鞋屐亦須
新淨七日之中皆須一食長齋奩餅麁飯隨時醬菜儉
素節量於道場中晝夜衷心相續專念阿彌陀佛心與
聲相續唯坐唯立七日之內不得睡眠亦不須依時
禮佛誦經數珠亦不須捉但知合掌念佛念念作見
佛想佛言想念阿彌陀佛真金色身光明徹照端正
无比在眼前正念佛時若立即立念一萬二萬若
坐卽坐念一萬二萬於道場內不得交頭竊語晝夜
或三時六時表白諸佛一切賢聖天曹地府一切業

道發露懺悔一生已來身口意業所造衆罪事事依
實懺悔竟還依法念佛所見境界不得輒說善者自
知惡者懺悔酒肉五辛極發願手不捉口不喫若違
此語卽願身口俱著惡瘡願誦阿彌陀經滿十萬遍
日別念佛一萬遍誦經日別十五遍或誦二十遍三
十遍任力多少誓生淨土願佛攝受又白諸行者但
欲今生日夜相續專念彌陀佛專誦彌陀經稱揚禮
讚淨土聖衆莊嚴願生者除入三昧道場日別念彌
陀佛一萬畢命相續者卽蒙彌陀加命得除罪障又

蒙佛與聖衆常來護念既蒙護念卽得延年轉長命
安樂因緣一一具如譬喻經惟无三昧經淨度三昧
經等說又觀佛經云若諸比丘比丘尼若男人犯
四根本罪十惡等罪五逆罪及謗大乘如是諸人若
能懺悔日夜六時身心不息五體投地如大山崩啼
泣雨淚合掌向佛念佛眉間白毫相光一日至七日
前四種罪可得輕微觀白毫毛闇不見者應入塔中
觀像眉間白毫一日至三日合掌啼泣已上觀念大
般若五百六十八明七日行云若善男子善女人等

心无疑惑於七日中澡浴清淨著新淨衣花香供養
一心正念如前所說如來功德及大威神爾時如來
慈悲護念現身令見使願滿足若有闕少花香等事
但一心念功德威神將命終時必得見佛已言前所
說功德等者如來大慈大悲說法无礙靜慮一念能
現無邊類身天眼天耳他心智无失念无漏離垢得
一切法自在平等功德威神也大集賢護經亦有
七日行如次利益中說又迦才淨土論云綽禪師檢
得經文但能念佛一心不亂得百万遍已去者定得

往生又綽禪師依小阿彌陀經七日念佛檢得百萬
遍也是故大集經藥師經小阿彌陀經皆勸七日念
佛者此意明矣已上所言七日行者出鼓音聲經平
等覺經至次利益門當知所言九十日行者止觀第
二云常行三昧者先明方法次明勸修方法者身開
遮口說嘿意止觀此法出般舟三昧經翻爲佛立佛
立三義一佛威力二三昧力三行者本功德力能於
定中見十方現在佛在其前立上如明眼人清夜觀星
見十方佛亦如是多故名佛立三昧十住毗婆沙偈

云是三昧住處少中多差別如是種種相亦應須論
議住處者或於初禪二三四中間發是勢力能生三
昧故名住處初禪少二禪中三四多或少時住名少
或見世界少或見佛少故名少中多亦如是身開常
行行此法時避惡知識及癡人親屬鄉里常獨處止
不得希望他人有所求索常乞食不受別請嚴飾道
場備諸供具香餚甘菓盥沐其身左右出入改換衣
服唯專行旋九十日爲一期須明師善內外律能開
除妨障於所聞三昧處如視世尊不嫌不恚不見短

長常割肌肉供養師况復餘耶承事師如僕奉大家
若於師生惡求是三昧終難得須外護如母養子須
同行如共涉嶮須要期誓願使我筋骨枯朽學是三
昧不得終不休息起大信无能壞者起大精進无能
及者所入智无能逮者常與善師從事終竟三月不
得念世間想欲如彈指頃三月終竟不得臥出如彈
指頃終竟三月行不得休息除坐食左右爲入說經
不得望衣食婆娑偈云親近善知識精進无懈怠智
慧甚堅牢信力无妄動口說嘿者九十日身常行无

休息九十日口常唱阿彌陀佛名无休息九十日心
常念阿彌陀佛无休息或唱念俱運或先念後唱或
先唱後念唱念相繼无休息時若唱彌陀卽是唱十
方佛功德等但專以彌陀爲法門主舉要言之步步
聲聲念念唯在阿彌陀佛意論止觀者念西方阿彌
陀佛去此十萬億佛刹在寶地寶池寶樹寶堂衆喜
薩中央坐說經三月常念佛云何念念三十二相從
足下千輻輪相一一逆緣念諸相乃至无見頂亦應
從頂相順緣乃至千輻輪今我亦逮是相又念我當

從心得佛從身得佛佛不用心得不用心身得不用
心得佛色不用色得佛心何以故心者佛无心色者
佛无色故不用色心得三菩提佛色已盡乃至識已
盡佛所說盡者是癡人不知智者曉了不用身口得
佛不用智慧得佛何以故智慧索不可得自索我了
不可得亦无所見一切法本无所有壞本絕本某如
夢見七寶親屬歡樂覺已追念不知在何處如是念
佛又如舍衛有女名須門聞之心喜夜夢從事覺已
念之彼不來我不往而樂事宛然當如是念佛如人

行大澤飢渴夢得美食覺已腹空自念一切所有法
皆如夢當如是念佛數數念莫得休息用是念當生
阿彌陀佛國是名如想念如人以寶倚琉璃上影現
其中亦如比丘觀骨骨起種種光此无持來者亦无
有是骨是意作耳如鏡中像不外來不中生以鏡淨
故自見其形行人色清淨所有者清淨欲見佛即見
佛見即問問即報聞經大歡喜某自念佛從何所來
我亦无所至我所念即見心作佛心自見心見佛心
是佛心是我心見佛心不自知心心不自見心心有

想為癡心无相是泥洹是法无可示者皆念所為設
有念亦了无所有念空耳某偈云心者不知心有
不見心心起想即癡无想即泥洹諸佛從心得解脫
心者无垢名清淨五道鮮潔不受色有解此者成大
道是名佛印无所貪无所著无所求无所想所有盡
所欲盡无所從生无所可滅无所壞敗道要道本是
印二乘不能壞何況魔耶云婆娑明新發意菩薩先
念佛色相相體相業相果相用得下勢力次念佛四
十不共法心得中勢力次念實相佛得上勢力而不

著色法二身偈云不貪著色身法身亦不著善知一
切法永寂如虛空勸修者若又欲得智慧如大海今
无能為我作師者於此坐不運神通悉見諸佛悉聞
所說悉能受持者常行三昧於諸功德最為第一此
三昧是諸佛母佛眼佛父无生大悲母一切諸如來
從是二法生碎大千地及草木為塵一塵為一佛刹
滿爾世界中寶用布施其福甚多不如聞此三昧不
驚不畏况信受持讀誦為人說况定心修習如搆牛
乳頃况能成是三昧故无量無邊婆娑云劫火官賊

怨毒龍獸衆病侵是人者无有是處此人常爲天龍八部諸佛皆共護念稱讚皆共欲見共來其所若聞此三昧如上四番功德皆隨喜三世諸佛菩薩皆隨喜復勝上四番功德若不修如是法失无量重寶人天爲之憂悲如鵷鼻人把梅檀而不嗅如田家子以摩尼珠博一頭牛云四番功德者弘決云又有四番果報一不驚二信受三定心修

四能成熟

第二臨終行儀者先明行事次明勸念初行事者四分律抄瞻病送終篇引中國本傳云祇洹西北角日

光沒處爲无常院若有病者安置在中以凡生貪染見本房內衣盂衆具多生戀著无心臥背故制今至別處堂号无常來者極多還反一二卽事而求專心念法其堂中置一立像金薄塗之面向西方其像右手舉左手中繫一五綵幡脚垂曳地當安病者在像之後左手執幡脚作從佛往佛淨刹之意瞻病者燒香散花莊嚴病者乃至若有屎尿吐唾隨有除之或說佛像向東病者在前私云若无別處但令病者面向西燒香散花種種勸進或可令見端嚴佛像導和尚云行者等若病不病欲命終時一

依上念佛三昧法正當身心迴面向西心亦專注觀
想阿彌陀佛心口相應聲聲莫絕決定作往生想花
臺聖衆來迎接想病人若見前境則向看病人說既
聞說已卽依說錄記又病人若不能語看病必須數
數問病人見何境界若說罪相傍人卽爲念佛助同
懺悔必令罪滅若得罪滅華臺聖衆應念現前准前
抄記又行者等眷屬六親若來看病勿令有食酒肉
五辛人若有必不得向病人邊卽失正念鬼神交亂
病人狂死墮三惡道願行者等好自謹慎奉持佛教

同作見佛因緣已作往生想迎接想其理可然如大
論說神變作意云取地相多故履水如地取水相多
故入地如水取火相多故身出烟火等云云明知於所
求事取彼相時能助其事而得成就非唯臨終尋常
准之綽和尚云十念相續似若不難然諸凡夫心如
野馬識劇猿猴馳騁六塵何曾停息各須宜致信心
豫自尅念使積習成性善根堅固也如佛告大王人
積善行死无惡念如樹先傾倒必隨曲也若刀風一
至百苦湊身若習先不在懷念何可辨各宜同志三

五預結言要臨命終時迭相開曉為稱彌陀名号願
生極樂聲聲相次使成十念已所言十念雖有多釋
然一心十遍稱念南无阿彌陀佛謂之十念此義順
經文餘如下料簡次臨終勸念者善友同行有其志
者為順佛教為利衆生為善根為結緣從染患初來
問病床幸垂勸進矣但勸誘之趣應在人意今且為
自身結其詞云

佛子年來之間止此界悌望唯修西方業就中本所
期是臨終十念今既臥病床不可不恐須閉目合掌

一心誓期自非佛相好勿見餘色自非佛法音勿聞
餘聲自非佛正教勿說餘事自非往生事勿思餘事
如是乃至命終之後坐寶蓮臺上從彌陀佛後聖衆
圍遶過十萬億國土之間亦復如是勿緣餘境界唯
至極樂世界七寶池中始應舉目合掌見彌陀尊容
聞甚深法音聞諸佛功德香嘗法喜禪悅味頂禮海
會聖衆悟入普賢行願今有十事應當一心聽一心
念每一念莫生疑心

一先應發大乘實智知生死由來如大圓覺經偈云

一切諸衆生无始无明皆從諸如來圓覺心建立
 當知生死卽涅槃煩惱卽菩提圓融无碍无二无別
 而由一念妄心入生死界來无明病所盲久忘本覺
 道但諸法從本來常自寂滅相如幻无定性隨心而
 轉變是故佛子應念三寶翻邪歸正然佛是醫王法
 是良藥僧是瞻病人除无明病開正見眼示本覺道
 引接淨土无如佛法僧是故佛子先應生大醫王想
 一心念佛南无三世十方一切諸佛南无本師釋迦
 牟尼佛南无藥師琉璃光佛三念南无阿彌陀佛十念

已次應生妙良藥想一心念法南无三世佛母摩訶
 般若波羅蜜南无平等大慧妙法蓮華經南无八万
 十二一切正法次應生隨逐護念想一心念禮南无
 觀世音菩薩南无大勢至菩薩南无普賢菩薩南无
 文殊師利菩薩南无彌勒菩薩南无地藏菩薩南无
 龍樹菩薩南无三世十方一切聖衆南无極樂界會
 一切三寶南无三世十方一切三寶三念已上或隨
 宜同音助念或
令聞鐘聲增正
 念下去准之
 二法性雖平等亦不離假有如彌陀佛言通達諸法

性一切空无我專求淨佛土必成如是剎故爲往生
淨土先應厭離此界今此娑婆世界是惡業所感衆
苦本源也生老病死輪轉无際三界獄縛无一可樂
若於此時不厭離之當於何生離輪迴耶然阿彌陀
佛有不思議威力若一心稱名念念之中滅八十億
劫生死重罪是故今當一心念彼佛離此苦界應作
是念願阿彌陀佛決定拔濟我南无阿彌陀佛見其
十念
以上信心勢盡應勸次事
或加稱二菩薩下去准之
三應欣求淨土西方極樂是大乘善根界无苦无惱

處一託蓮胎永離生死眼瞻彌陀之聖容耳聞深妙
之尊教一切快樂无不具足若人臨終時十念彌陀
佛決定往生彼安樂國佛子今適得人身亦值佛教
猶一眼龜值浮木孔若於此時不得往生還墮三途
八難之中聞法尚難何況往生故應一心稱念彼佛
應作是念願佛今日決定引接於我往生極樂南无
阿弥
陀佛

四凡欲往生彼國者須求其業如彼佛本願云設我
得佛十方衆生聞我名號係念我國殖諸德本至心

迴向欲生我國不果遂者不取正覺佛子一生之間
 偏修西方業所修業雖多所期唯極樂今須重聚集
 三際一切善根盡迴向極樂應作是念願由我所有
 一切善根力今日決定往生極樂南无阿彌陀佛
 五又本願云設我得佛十方衆生發菩提心修諸功
 德至心發願欲生我國臨壽終時假令不與大眾圍
 遶現其人前者不取正覺佛子久已發菩提心及諸
 善根迴向極樂今須重發菩提心念彼佛應作此念
 願我為利益一切衆生今日決定往生極樂南无阿彌陀佛

六既知佛子本來具往生業今須專念彌陀如來令
 業增盛然彼佛功德无量無邊不可具說今現在十
 方各恒河沙等諸佛恒常稱讚彼佛功德如是稱讚
 設經恒沙劫終不可窮盡佛子惣應一心歸命彼佛
 功德應念我今一念之中盡以歸命彌陀如來一切
 功德南无阿彌陀佛
 七佛子應念阿彌陀佛一色相令心住下境謂彼佛
 色身如閻浮檀金威德巍巍如金山王无量相好莊
 嚴其身其中眉間白毫右旋婉轉如須彌七百五俱

胆六百萬光明熾然赫奕如億千日月是即无漏万
 德之所成就大定智慧之所流出也須臾之間憶此
 相者能滅九十六億那由他恒河沙微塵數劫生死
 重罪是故今當憶念彼相決定滅除罪業應作此念
 願白毫相光滅我諸罪南无阿彌陀佛
 八彼白毫相若于光明常照十方世界念佛眾生攝
 取不捨當知大悲光明決定來照如華嚴偈云又放
 光明名見佛彼光覺悟命終者念佛三昧必見佛命
 終之後生佛前故今應作是念願彌陀佛放清淨光

遙照我心覺悟我心轉境界自躰當生三種愛令得
 念佛三昧成就往生極樂南无阿彌陀佛
 九彌陀如來非唯以光遙照自與觀音勢至常來擁
 護行者何況父母於病子其心偏重動法性山入生
 死海當知是時佛放大光明與諸聖眾俱來引接擁
 護惑障相隔雖不能見大悲願不可疑決定來入此
 室故佛子應作是念願佛放大光明決定來迎往生
 極樂南无阿彌陀佛 若病者氣力漸漸羸劣時應云佛與
 觀音勢至无量聖眾俱來擎寶蓮臺引攝佛子以上第七

八九條事常應勸誘其餘各事時時用之

十正臨終時應云佛子知否唯今卽是最後心也臨終一念勝百年業若過此剎那生處應定今正是其時當一心念佛決定往生西方極樂微妙淨土八功德池中七寶蓮臺上應作是念如來本誓一毫无

謬願佛決定引攝我

南无阿彌陀佛

或漸漸取略應念願佛必引攝

南无阿彌陀佛

如是瞻病者氣色隨順其所應但以一事爲最後一念不得衆多其詞進止可殊用意勿令病者生攀緣

矣問如觀佛三昧經說佛告阿難若有衆生殺父害母罵辱六親作是罪者命終之時銅狗張口化十八車狀如金車寶蓋在上一切火焰化爲玉女罪人遙見心生歡喜我欲往中風刀解時寒急失聲寧得好火在車上坐燃火自爆作是念已卽使命終揮擢之間已坐金車顧瞻玉女皆提鐵斧折截其身又言復有衆生犯四重禁虛食信施誹謗邪見不識因果斷學般若毀十方佛偷僧祇物媼佚无道逼略淨戒諸比丘尼姊妹親戚不知慚愧毀辱所親造衆惡事此

人罪報臨命終時風刀解身偃坐不定如被杖禁其
心荒越發癡狂想見已室宅男女大小一切皆是不
淨之物屎尿臭處盈流于外爾時罪人卽作是語云
何此處无好城郭及好山林使吾遊戲乃處如此不
淨物間作是語已獄卒羅刹以大鐵叉擊阿鼻地獄
及諸刀山化作寶樹及清涼池火焰化作金葉蓮華
諸鐵喙虫化爲鳧雁地獄痛聲如詠歌音罪人聞已
如此好處吾當遊中念已卽時坐大蓮華云寧知今
日蓮華來迎非是火華谷感和尚釋云以四義故知

非火車一以行二以相三以語四以佛此四義異火
華一以行者觀佛二昧經說罪人造罪犯四重禁乃
至毀辱所親不生悔過不遇善友教令念佛故所見華
是地獄相今此下品等三人雖復生來造罪終時遇善
知識至心念佛以念佛故滅多劫罪成勝功德感得
寶池中花來迎豈同前花也二相者彼經說風刀解
身偃臥不定如被楚撻其心荒越發狂癡想見已室
宅男女大小一切皆是不淨之物屎尿臭處盈流干
外今此念佛身心安穩惡想都滅唯見聖衆聞有異

香故不類也三語者彼經中說地獄痛聲如詠歌音
罪人聞已如此好處吾當避中觀經中言讚善男子
汝稱佛名故諸罪消滅我來迎汝彼是詠歌之音此
陳滅罪之語二音既別故不同也四佛者彼經一切
火焰化爲玉女罪人遙見心生歡喜我欲往中坐金
車已顧瞻玉女皆捉鐵斧折截其身觀經言爾時彼
佛卽遣化佛化觀世音化大勢至至行者前以此四
義准知蓮華來迎不同觀佛三昧經說上看病之人
能了此相數問病者所有諸事依前行儀種種教化

往生要集卷中末終

往生要集卷下本

天台首楞嚴院沙門源信撰

大文第七明念佛利益者大分有七一滅罪生善二具
得護持三現身見佛四當來勝利五彌陀別益六引例
勸信七惡趣利益其文各多今略舉要第一滅罪生善
者觀佛經第二云於一時中分爲少分少分之中能須
臾間念佛白毫念心了無謬亂想分明正住注意不
息念白毫者若見相好若不得見如是等人除却九十
六億那由他恒河沙微塵數劫生死之罪設復有人但

聞白毫心不驚疑歡喜信受此人亦却八十億劫生死

之罪又云佛去世後三昧正受想佛行者亦除千劫極

重惡業佛行步相如上又云佛告阿難汝從今日持如

來語遍告弟子佛滅度後造好形像令身相足亦作无

量化佛色像及通身色及畫佛跡以微妙系及頗梨珠

安白毫處令諸衆生得見是相但見此相心生歡喜此

人除却百億那由他恒河沙劫生死之罪優填王作佛

佛形像功德无量世世所生不墮惡道後皆得又云老

女見佛邪見不信猶能除却八十万億劫生死之罪況

復善意恭敬禮拜須達家老女因緣如彼經廣說又云諸凡夫及四部

弟子謗方等經作五逆罪犯四重禁偷僧祇物媼比丘

尼破八戒齊作諸惡事種種邪見如是等人若能至心

一日一夜繫念在前觀佛如來一相好者諸惡罪障皆

悉盡滅又云若有歸依佛世尊者若稱名者除百千劫

煩惱重障何況正心修念佛定寶積經第五云如有寶

珠各種種色在大海中雖有無量衆多駛流入於大海

以珠火力令水銷滅而不盈溢如是如來應正等覺證

菩提已由智火力能令衆生煩惱銷滅亦復如是乃至若

復有人於日日中稱說如來名号功德是諸衆生能離
黑闇漸次當得燒諸煩惱如是稱念南无佛者語業不
空如是語業名執大炬能燒煩惱遺摩尼經云菩薩雖
復數千巨億万劫在愛欲中為罪所覆若聞佛經一反
念善罪即消盡已上諸文滅罪大悲經第二云若三千大千世
界滿中須陀洹斯陀舍阿那舍阿羅漢若有善男子善
女人若一劫若減一劫以諸種種稱意一切樂具恭敬
尊重謙下供養若復有人於諸佛所但一合掌一稱名
如是福德比前福德百分不及一百千億分不及一迦

羅分不及一何以故以佛如來諸福田中為最無上是
故施佛成大功德略抄以滿三千界普曜經偈云一切
衆生成緣覺若有供養億數劫飲食衣服床臥具搗香
雜香及名華若有一心又十指專心自歸一如來口自
發言南無佛是功德福為最上般舟經說念佛三昧偈
云假使一切皆為佛聖智清淨慧第一皆於億劫過其
數講說一偈之功德至於泥洹誦詠福無數億劫悉歎
誦不能究盡其功德於是三昧一偈事一切佛國所有
地四方四隅及上下滿中珍寶以布施用供養佛天中

天若有聞是三昧者得其福祐過於彼安諦諷誦說講

者引譽功德不可喻破一佛刹為塵取一塵亦碎如

佛以之為比也已上生善度諸佛境界經說若諸眾

生緣於如來生諸行者斷無數劫地獄畜生餓鬼閻羅

王生若有衆生一念作意緣如來者所得功德无有限

極不可稱量百千万億那由他諸大菩薩悉得不可思

議解脫定不能計校知其邊際觀佛經說佛告阿難我

涅槃後諸天世人若稱我名及稱南无諸佛所獲福德

无量无边沉復繫念念諸佛者而不滅除諸障尋耶已

滅罪生善其餘如上正修念佛門

第二冥得護持者護身咒經云三十六部神王有万億

恒沙鬼神為眷屬護受三歸者般舟經云劫盡壞燒時

持是三昧菩薩者正假墮是火中火即為滅譬如大鬘

水滅小火佛告跋陀和我所語无有異是菩薩者持是

三昧若帝王若賊若火若水若龍若虵若闍又鬼神若

猛獸乃若壞人禪奪人念設欲中是菩薩者終不能中

佛言如我所語无有異除其宿命其餘无有能中者偈

曰鬼神軌陀共擁護諸天人民亦如是并阿須倫摩睺

勒行此三昧得如是諸天悉共頌其德天人龍神甄隨
羅諸佛嗟歎令如願諷誦說經為人故國國相伐民荒
亂飢饉荐臻懷苦窮終不於中友其命能誦此經化入
者勇猛降伏諸魔事心无所畏毛不豎其功德行不可
議行此三昧得如是十住婆娑引此等文已十二佛名
經偈云若人持佛名眾魔及波旬行住坐臥處不能得
其便

第三現身見佛者文殊般若經下卷云佛云若善男子
善女人欲入一行三昧應處至閑捨諸亂意不取相貌

繫心一佛專稱名字隨佛方所端身正向能於一佛念
念相續即於念中能見過去未來現在諸佛導禪師釋
云眾生障重觀難成就是以大聖悲憐直勸專稱名字
般舟經云前所不聞經卷是菩薩持是三昧威神夢中
悉自得其經卷各各悉見悉聞經聲若晝日不得者若
夜於夢中悉得見佛佛告跋陀和若一劫若過一劫我
說是菩薩持是三昧者說其功德不可盡竟何況能求
得是三昧者又同經偈云如阿彌陀國菩薩見无央數
百千佛得是三昧菩薩然當見无央百千佛乃其有誦

受是三昧已爲面見百千佛假使最後大恐懼持此三昧无所畏念佛三昧經第九偈云若欲盡見一切佛現在未來及十方或復求轉妙法輪亦先修習此三昧十二佛名經偈云若人能至心七日誦佛名得於清淨眼能見无量佛

第四當來勝利者華嚴偈云若念如來少功德乃至一念心專仰諸惡道怖悉永除智眼於此能深悟

智眼天王頌

般舟經偈云其人終不墮地獄離餓鬼道及畜生世世所生識宿命學是三昧得如是觀佛經云若有衆生一

聞佛身如上功德相好光明億億千劫不墮惡道不生邪見雜穢之處常得正見勤修不息但聞佛名獲如是福何況繫念觀佛三昧安樂集云大集經云諸佛出世有四種法度衆生何等爲四一者口說十二部經卽是法施度衆生二者諸佛如來有无量光明相好一切衆生但能繫心觀察無不得益卽是身業度衆生三者有无量德用神通道力種種神變卽是神通道力度衆生四者諸佛如來有无量名號若捨若別其有衆生繫心稱念莫不除障獲益皆生佛前卽是名號度衆生云有

云正法念經有此文十二佛名經偈云若人持佛名不生怯弱心智慧无諂曲常在諸佛前若人持佛名七寶華中生其華千億葉威光相具足已上諸文永離惡趣往生淨土觀佛經云若能至心繫念在內端坐正受觀佛色身當知是人心如佛心與佛无異雖在煩惱不為諸惡之所覆蔽於未來世雨大法雨大集念佛三昧經第七云當知如是念佛三昧則為捨攝一切諸法是故非彼聲聞緣覺二乘境界若人暫聞說此法者是人當來決定成佛无有疑也同經第九云但能耳聞此三昧名假令不讀不誦不受不持不修不習不為他轉不為他說亦復不能

廣分別釋然彼諸善男子善女人皆當次第成就阿耨菩提同經偈云欲圓滿諸妙相具足衆妙上莊嚴及求轉生清淨家必先受持此三昧又有經言若於佛福田能殖少分善初獲勝善趣後必得涅槃大般若經云依敬憶佛必出生死至涅槃置此乃至為供養佛以一花散虛空亦如是又置此若善男子善女人等下至一稱南謨佛陀大慈悲者是善男子善女人等窮生死際善根无盡於天人中恒受富樂乃至最後得般涅槃略抄大悲

經第二 寶積經云有衆生於如來所起微善者盡於苦
際畢竟不壞又云若有菩薩以勝意樂能於我所起於
父想彼人當得入如來數如我無異十二佛名經偈云
若人持佛名世所生處身通遊虛空能至無邊刹面
覩於諸佛能問甚深義乃爲說微妙法授彼菩提記法
華經偈云若人散亂心入於塔廟中一稱南无佛皆已
成佛道大悲經第三佛告阿難若有衆生聞佛名者我
說是人畢定當得入般涅槃華嚴經法幢菩薩偈云若
有諸衆生未發菩提心一得聞佛名決定成菩提已上諸文

得善但聞名號勝利如是况暫觀念相好功德或復供
養一華一香况一生勤修功德終不虛則知值佛法聞
佛號非是少緣是故華嚴經真實慧菩薩偈云寧受地
獄苦得聞諸佛名不受无量樂而不聞佛名已上四門
惣明念諸佛之利益其中觀佛經以釋迦爲首般舟經
多以彌陀爲首理實俱通一切諸佛念佛經通三世佛
問觀佛經云是人心如佛心與佛无異又觀經云佛告
阿難諸佛如來是法界身入一切衆生心想之中是故
汝等心想佛時是心卽是三十二相八十隨形好是心

作佛是心是佛諸佛正遍知海從心想生^{上已}此義云何
答往生論智光疏釋此文云當衆生心想佛時佛身相
皆顯現衆生心中譬如水清卽色像現而水與像不一
不異故言佛相好身卽是心想是心作佛者心能作佛
是心是佛者心外无佛譬如火從木出不得離木以不
離木故卽能燒木爲火燒木卽是火^{上已}亦有餘釋學者
更勘私云大集經曰藏分云行者作是念是等諸佛无
所從來去无所至唯我心作於三界中是身因緣唯是
心作我隨覺觀欲多見多欲小見小諸佛如來卽是我

心何以故隨心見故心卽我身卽是虛空我因覺觀見
无量佛我以覺心見佛知佛心不見心心不知心我觀
法界性无牢固一切諸佛皆從覺觀因緣而生是故法
性卽是虛空虛空之性亦復是空^{上已}此文意同觀經光
師釋亦无違問知心作佛有何勝利答若觀此理能了
三世一切佛法乃至一聞卽得解脫三途苦難如華嚴
經如來林菩薩偈云若人欲求知三世一切佛應當如
是觀心造諸如來華嚴傳曰文明元年京師人姓王失
其名旣无戒行會不修善因患致死被二人引至地獄

門前見有一僧云是地藏菩薩乃教王氏誦此一偈謂
之曰誦得此偈能排地獄王氏遂入見閻羅王王問此
人有功德答云唯受持一四句偈具如上說王遂放勉
當誦此偈時聲所及處受苦之人皆得解脫王氏三日
始蘇憶持此偈向諸沙門說之示驗偈文方知是華嚴
經第十二卷夜摩天官无量諸菩薩雲集說法品王氏
自向空觀寺僧定法師說云然也抄略
第五彌陀別益者為令行者其心決定故別明之滅罪
生善冥得護念現身見佛將來勝利如次觀經像想觀

云作是觀者除无量億劫生死之罪於現身中得念佛
三昧又云但聞佛名二菩薩名除无量劫生死之罪何
況憶念又云但想佛像得无量福况復觀佛具足身相
阿彌陀思惟經云若轉輪王千万歲中滿四天下七寶
布施十方諸佛不如苾芻苾芻尼優婆塞優婆夷等一
彈指頃坐禪以平等心憐愍一切衆生念阿彌陀佛功
德已上滅罪生善稱讚淨土經云或善男子或善女人於无量
壽極樂世界清淨佛土功德莊嚴若已發願若當發願
若今發願必為如是住十方面十競伽沙諸佛世尊之

所攝受如說行者一切定於阿耨菩提得不退轉一切
 定生无量壽佛極樂世界觀經云光明遍照十方世界
 念佛衆生攝取不捨又云無量壽佛化身無數與觀世
 音大勢至常來至此行人之所十往生經釋尊說阿彌
 陀佛功德國土莊嚴等已云清信士清信女讀誦是經
 流布是經恭敬是經不謗是經信樂是經供養是經如
 是人輩緣是信敬我從今日常使前二十五菩薩護持
 是人常使是人无病无惱惡鬼惡神亦不中害亦不惱
 之亦不得便已上乃至睡寤行住所唐土諸師云二十

五菩薩擁護念阿彌陀佛願往生者此亦不違彼經意
 也二十五者觀世音菩薩大勢至菩薩藥王菩薩藥上
 菩薩普賢菩薩法自在菩薩師子吼菩薩陀羅尼菩
 薩虛空藏菩薩德藏菩薩寶藏菩薩金光藏菩薩金剛
 藏菩薩光明王菩薩山海慧菩薩華嚴王菩薩衆寶王
 菩薩月光王菩薩日照王菩薩三昧王菩薩定自在王
 菩薩大自在王菩薩白象王菩薩大威德王菩薩無邊
 身菩薩也雙卷經彼佛本願云諸天人民聞我名字五身投
 地稽首作禮歡喜信樂修菩薩行諸天世人莫不致敬
 若不爾者不取正覺已上真得護持大集經賢護分云善男子
 善女人端坐繫念專心想彼阿彌陀如來應供等正覺
 如是相好如是威儀如是大衆如是說法如聞繫念一

心相續次第不亂或經一日或復一夜如是或至七日
七夜如我所聞具足念故是人必覩阿彌陀如來應供
等正覺若於晝時不能見者若於夜分或夢中阿彌陀
佛必當現也觀經云見眉間白毫者八万四千相好自
然當見見无量壽佛者即見十方无量諸佛得見无量
諸佛故諸佛現前授記是為遍觀一切色相已上鼓音
聲王經云十日十夜六時專念五體投地禮敬彼佛堅
固正念悉除散亂若能念念念念不絕十日之中必得
見彼阿彌陀佛并見十方世界如來及所住處唯除重

障鈍根之人於今少時不能觀一切諸善皆悉迴向
願得往生安樂世界垂終之日阿彌陀佛與諸大衆現
其人前安喻稱善是人即時甚生慶悅以是因緣如其
所願即得往生平等覺經云佛言要當齊戒一心清淨
晝夜常念欲生无量清淨佛國十日十夜不斷絕我皆
慈愍之悉令生无量清淨佛國乃至一日一夜亦如是
或可以此文置下諸行
門雙卷經偈云其佛本願力聞名欲往生皆悉到彼國
自致不退轉觀經下品上生人臨命終時合掌叉手稱
南无阿彌陀佛稱佛名故除五十億劫生死之罪從化

佛後生寶池中同品中生人臨命終時地獄猛火一時
 俱至聞彌陀佛十力威德光明神力戒定惠解脫知見
 除八十億劫生灰之罪地獄猛火化為清涼風吹諸天
 華華上皆有化佛菩薩迎接此人即得往生同品下生
 人臨命終時苦逼不能念佛隨善友教但至心令聲不
 絕具足十念稱南無无量壽佛稱佛名故於念念中除
 八十億劫生死之罪如一念頃即得往生雙卷經彼佛
 本願云諸佛世界衆生之類聞我名字不得菩薩无生
 法忍諸深捨持者不取正覺他方國土諸菩薩衆聞我

名字不即得至不退轉者不取正覺觀經云若念佛
 者當知此人是人中分陀利華觀世音菩薩大勢至
 菩薩為其勝友當坐道場生諸佛家已上將來勝利
 餘如上別時念

佛門

第六引例勸信者觀佛經第二佛告諸釋子言毗婆
 尸佛像法中有一長者名曰月德有五百子同遇重
 病父致子前滄淚合掌語諸子言汝等邪見不信正
 法今无常刀截切汝身為何所怙有佛世尊名毗婆
 尸汝可稱佛諸子聞已敬其父故稱南无佛父復告

言汝可稱法汝可稱僧未及二稱其子命終以稱佛
故生四天王所天上壽盡前邪見業墮大地獄獄卒
羅刹以熱鐵杈刺壞其眼受是苦時憶父長者所教
誨事以念佛故還生人中尸棄佛出但聞佛名不覩
佛形乃至迦葉佛時亦聞其名以聞六佛名因緣故
與我同生是諸比丘前世之時以惡心故謗佛正法
但爲父故稱南无佛生生常得聞諸佛名乃至今世
值遇我出諸障除故成阿羅漢又云燃燈佛末法之
中有一羅漢其千弟子聞羅漢說心生瞋恨隨壽修

短各欲命終羅漢教稱南无諸佛既稱佛已得生忉
利天至於未來世當得作佛号南无光照第七卷文
殊自說值遇禮拜過去寶威德佛尔時釋迦文佛讚
言善哉善哉文殊師利乃於昔時一禮佛故得值尔
許無數諸佛何況未來我諸弟子勤觀佛者佛勅阿
難汝持文殊師利語遍告大衆及未來世衆生若能
禮拜者若能念佛者若能觀佛者當知此人與文殊
師利等无有異捨身他世文殊師利等諸大菩薩爲
其和上又云時十方佛來跏趺坐東方善德佛告大

衆言我念過去无量世時有佛出世号寶威德上王
時有比丘與九弟子往詣佛塔禮拜佛像見一寶像
嚴顯可觀禮已諦視說偈讚歎後時命終悉生東方
寶威德上王佛國大蓮華中結跏趺坐忽然化生從
此已後恒得值佛於諸佛所淨修梵行得念佛三昧
得三昧已佛爲授記於十方面各得成佛東方善德
佛者則我身是東南方无憂德佛南方栴檀德佛西
南方寶施佛西方无量明佛西北方華德佛北方相
德佛東北方三乘行佛上方廣衆德佛下方明德佛

如是十佛由過去禮塔觀像一偈讚歎今於十方各
得成佛說是語已問訊釋迦文佛既問訊已放大光
明各還本國又云四佛世尊從空而下坐釋迦文佛
床讚言善哉善哉乃能爲於未來之時濁惡衆生說
三世佛白毫光相令諸衆生得滅罪咎所以者何念
我昔曾空王佛所出家學道時四比丘其爲同學習
佛正法煩惱覆心不能堅持佛法寶藏多不善業當
隨惡道空中有聲語比丘言空王如來雖復涅槃汝
之所犯謂无救者汝等今可入塔觀像與佛在世等

无有異我從空聲入塔觀像眉間白毫卽作是念如
來在世光明色身與此何異佛大人相願除我罪作
是語已如大山崩五體投地懺悔諸罪從是已後八
十億阿僧祇劫不墮惡道生生常見十方諸佛於諸
佛所受持甚深念佛三昧得三昧已諸佛現前授我
記別東方妙喜國阿閼佛卽第一比丘是南方觀喜
國寶相佛卽第二比丘是西方極樂國无量壽佛第
三比丘是北方蓮華莊嚴國微妙聲佛第四比丘是
時四如來各申右手摩阿難頂告言汝持佛語廣爲

未來諸衆生說三說此已各放光明還歸本國又云
財首菩薩白佛言世尊我念過去无量世時有佛世
尊亦名釋迦牟尼彼佛滅後有一王子名曰金幢憍
慢邪見不信正法知識比丘名定自在告王子言世
有佛像衆寶嚴飾可暫入塔觀佛形像時彼王子隨
善友教入塔觀像見像相好自言比丘佛像端嚴猶
尚如此况佛真身比丘告言汝今見像不能禮然者
當稱南无佛是時王子合掌恭敬稱南無佛還宮繫
念念塔中像卽於後夜夢見佛像見佛像故心大歡

喜捨離邪見歸依三寶隨壽命終由前入塔稱南无
佛因緣功德值九百万億那由他佛逮得甚深念佛
三昧三昧力故諸佛現前爲其授記從是已來百萬
阿僧祇劫不墮惡道乃至今日獲得甚深首楞嚴三
昧爾時王子今我財首是也又云佛言我與賢劫諸
菩薩曾於過去梅檀窟佛所聞是諸佛色身變化觀
佛三昧海以是因緣功德力故超越九百万億阿僧
祇劫生死之罪於此賢劫次第成佛乃如是十方无
量諸佛皆由此法成三菩提迦葉經云昔過去久遠

阿僧祇劫有佛出世号曰光明入涅槃後有一菩薩
年始十六婆羅門種端正无比有一比丘於白疊上
畫佛形像持與精進精進見像心大歡喜作如是言
如來形像妙好乃爾况復佛身願我未來亦得成就
如是妙身言已思念我若在家此身匹得卽啓父母
求哀出家父母答言我今年老唯汝一子汝若出家
我等當死子白父母若不聽我者我從今日不飲不
食不昇床座亦不言說作是誓已一日不食乃至六
日父母知識八万四千諸姝女等同時悲泣禮大精

進尋聽出家既得出家持像入山取草爲座在畫像
前結跏趺坐一心諦觀此畫像不異如來像者不覺
非知一切諸法亦復如是无相離相體性空寂作是
觀已經於日夜成就五通具足四无量得无礙辨得
普光三昧具大光明以淨天眼見於東方阿僧祇佛
以淨天耳聞佛所說悉能聽受滿足七月以智爲食
一切諸天散華供養從山而出來至村落爲人說法
二萬衆生發菩提心无量阿僧祇人住於聲聞緣覺
功德父母親眷皆住不退无上菩提佛告迦葉昔大
精進今我身是由此觀像今得成佛若有人能學如
此觀未來必當成无上道譬喻經第二云昔有比丘
欲度其母母已命過便以道眼天上人中擒狩薜荔
中求索了不見之觀於泥黎見母在中便懊惋悲哀
廣求方便欲脫其苦時邊境有王害父奪國比丘知
此王命餘有七日受罪之地與比丘母同在一處夜
安靖時到王寢殿處穿壁現半身王怖拔刀斫頭頭
卽落地其處如故斫之數反化頭滿地比丘不動王
意卽解知其非常卽頭謝過比丘言莫恐莫怖欲相

度耳汝害父奪國不耶對曰實爾願見慈救比丘曰
作大功德恐不相及王當稱南无佛七日不絕便得
免罪重告之曰慎莫忘此法即便飛去王便叉手一
心稱說南無佛晝夜不懈七日命終魂神向泥黎門
稱南无佛泥黎中人聞佛音聲皆一時言南無佛泥
黎即冷比丘為說法比丘母王及泥黎中人皆得度
脫後大精進得須陀洹道已上諸文略抄優婆塞戒經云善
男子我本往墮邪見家惑網自我蓋我於爾時名曰
廣利妻名女精進勇猛度脫无量十善化導我於爾

時心生殺獵貪嗜酒肉懶惰懈怠不能精進妻時語
我止其獵殺戒斷酒肉勤加精進得脫地獄苦惱之
患上生天宮與一處我於爾時殺心不止酒肉美味
不能割捨精進之心懶惰不前天宮息意地獄分受
我於爾時居聚落內近僧伽藍數聞槌鐘妻語我言
事事不能聞槌鐘聲三彈指一稱佛歛身自恭莫生
憍慢如其夜半此法莫廢我即用之无復捨失經十
二年其妻命終生忉利天却後三年我亦壽盡經至
斷事判我入罪向地獄門當入門時聞鐘三聲我即

住立心生歡喜愛樂不厭如法三彈指長聲唱佛聲
皆慈悲梵音朗徹主事聞已心甚愧感此真菩薩云
何錯判卽遣追還送往天上既往到已五躰投地禮
敬我妻自言大師幸義大恩如見濟拔乃至菩提不
違教勅已又震且國東晉已來至于唐朝念阿彌陀
佛往生淨土者道俗男女合五十餘人出淨土論并
瑞應傳我朝往生者亦有其數具在慶氏日本往生
記何況朝市隱德山林逃名之者獨修獨去誰得知
耶問下下品人五百釋子臨終同念昇沉何別答郡
疑論會云五百釋子但依父教一念佛而不發菩提
心求生淨土慙慙慚愧又彼不至心復唯一念不具

十念故抄略

第七明惡趣利益者大悲經第二云若復有人但心
念佛一生敬信我說是人當得涅槃果盡涅槃際阿
難且置人中念佛功德若有畜生於佛世尊能生念
者我亦說其善根福報當得涅槃問何等是耶答同
經第三佛告阿難過去有大商主將諸商人入於大
海其船卒爲摩竭大魚欲來吞嚙爾時商主及諸商

人心驚毛豎各皆悲泣嗚呼奇哉彼闍浮提如是可
樂如是希有世間人身如是難得我今當與父母離
別姊妹婦兒親戚朋友別離我更不見亦不得見佛
法衆僧極大悲哭爾時商主偏袒右肩右膝著地住
於船上一心念佛合掌禮拜高聲唱言南无諸佛得
大无畏者大慈悲者憐愍一切衆生者如是三稱時
諸商人亦復同時如是三稱時摩竭魚聞佛名号禮
拜音聲生大愛敬聞卽閉口爾時商主及諸商人皆
悉安穩得免魚難時摩竭魚聞佛音聲心生喜樂更

不食噉餘諸衆生因是命終得生人中於其佛所聞
法出家近善知識得阿羅漢阿難汝觀彼魚生畜生
道得聞佛名聞佛名已乃至涅槃何況有人得聞佛
名聽聞正法略抄又菩薩處胎經入齋品云龍子與金
翅鳥而說頌曰殺是不善行滅壽命中夭身如朝露
虫見光則命終持戒奉佛語得生長壽天累劫積福
德不墮畜生道今身為龍身戒德清明行雖墮六畜
中必望自濟度是時龍子說此頌時龍子龍女心意
開解壽終之後皆當生阿彌陀佛國已上八齋餘趣戒龍子也

信佛語生淨土准之地獄利益如前國王因緣并下
龕心妙果諸餘利益如下念佛功德

大文第八念佛證據者問一切善業各有利益各得
往生何故唯勸念佛一門答今勸念佛非是遮餘種
種妙行只是男女貴賤不簡行住坐臥不論時處諸
緣修之不難乃至臨終願求往生得其便宜不如念
佛故木樵經云難陀國波瑠璃王遣使白佛言唯願
世尊特垂慈愍賜我要法使我日夜易得修行未來
世中遠離眾苦佛告言大王若欲滅煩惱障報障者

當貫木樵子一百八以常自隨若行若坐若臥恒當
至心无分散意稱佛陀達摩僧伽名乃過一木樵子
如是若十若廿若百若干乃至百千万若能滿卅万
遍身心不亂无諸諂曲者捨命得生第三次摩天衣
食自然常受安樂若復能滿一百万遍者當得除斷
百八結業背生死流趣涅槃道獲无上果略抄况復諸
聖教中多以念佛為往生業其文甚多略出十文一
占察經下卷云若人欲生他方現在淨國者應當隨
彼世界佛之名字專意誦念一心不亂如上觀察者

決定得生彼佛淨國善根增長速成不退

如上觀察者觀於地

藏菩薩法身及諸佛法身與已自身平等无二不生不滅常樂我淨功德圓滿又觀已身无常如幻可厭

也二雙卷經三輩之業雖有淺深然通皆云一向專

念无量壽佛三十八願中於念佛門別發一願云

乃至十念若不生者不取正覺四觀經云極重惡人

无他方便唯稱念佛得生極樂五同經云若欲至心

生西方先當觀於一丈六像在池水上六同經云光

明遍照十方世界念佛眾生攝取不捨七阿彌陀經

云不可以少善根福德因緣得生彼國若有善男子

雙卷經下至生極樂行卷等抄出然觀經下無云字又唯稱念佛作唯稱亦陪

善女人聞說阿彌陀佛執持名号若一日乃至若七日

一心不亂其人臨命終時阿彌陀佛與諸聖眾現在

其前是人終時心不顛倒即得往生八般舟經云阿

彌陀佛言欲來生我國者當念我數數常當專念莫

有休息如是得來生我國九鼓音聲經云若有四眾

能正受持彼佛名号以此功德臨欲終時阿彌陀佛

即與大眾往此人所令其得見見已尋生十往生論

以觀念彼佛依正功德為往生業此中觀經下下

品阿彌陀經鼓音聲經但以念名号為往生業何況

觀念相好功德耶問餘行寧无勸信文耶答其餘行法因明彼法種種功能其中自說往生之事不如直辨往生之要多云念佛何況佛自旣言當念我乎亦不云佛光明攝取餘行人此等文分明何重生疑耶問諸經所說隨機万品何以管見執一文耶答馬鳴菩薩大乘起信論云復次衆生初學是法其心怯弱懼畏信心難可成就意欲退者當知如來有勝方便攝護信心隨以專心念佛因緣隨願得往生他方佛土如修多羅說若人專念西方阿彌陀佛所作善業

迴向願求生彼世界卽得往生此明知契經多以念佛爲往生要若不爾者四依菩薩卽非理盡
大文第九明往生諸行者謂求極樂者不必專念佛須明餘行任各樂欲此亦有二初別明諸經文次惣結諸業第一明諸經者四十華嚴經普賢願三千佛名經无字寶篋經法華經等諸大乘經隨求尊勝无垢淨光如意輪阿嚕力迦不空罽索光明阿彌陀及龍樹所感往生淨土等咒此等顯密諸大乘中皆以受持讀誦等爲往生極樂業也大阿彌陀經云當齋

戒一心清淨晝夜當念欲生阿彌陀佛國十日十夜
不斷絕我皆慈愍之悉令往生阿彌陀佛國殊使不
能爾自思惟熟授計欲度脫身者不當絕念去愛勿
念家事莫與婦女同床自端正身心斷於愛欲一心
齋戒清淨至專念生阿彌陀佛國一日一夜不斷絕
者壽終皆往生其國在七寶浴池蓮華中化生此經以持
戒為首十往生阿彌陀佛國經云吾今為汝說有十往
生云何十往生一者觀身正念常懷歡喜以飲食衣
服施佛及僧往生阿彌陀佛國二者正念世妙良藥

施一病比丘及以一切眾生往生阿彌陀佛國三者
正念不害一生命慈悲於一切眾生阿彌陀佛國四
者正念從師所受戒淨惠修梵行心常懷喜往生阿
彌陀佛國五者正念孝順於父母敬重於師長不懷
憍慢心往生阿彌陀佛國六者正念往詣於僧坊恭
敬於塔寺聞法解一義往生阿彌陀佛國七者正念
一日一宿中受持八戒齋一日一宿中受持不破一
往生阿彌陀佛國八者正念若能齋月齋日中遠離
於房舍常詣於善師往生阿彌陀佛國九者正念常

能持淨戒勤修樂禪定護法不惡口若能如是行往生阿彌陀佛國十者正念若於无上道不起誹謗心精進持淨戒復教无智者流布是經法教化無量衆生如是諸人等皆悉得往生阿彌陀佛國彌勒問經云如佛所說願阿彌陀佛功德利益若能十念相續不斷念佛者卽得往生當云何念佛言凡有十念何等爲十一者於諸衆生常生慈心不毀其行若毀其行終不往生二者於諸衆生常起悲心除殘害意三者發護法心不惜身命於一切法不生誹謗四者於

忍辱中生決定心五者深心清淨不染利養六者發一切智心日日常念无有廢忘七者於諸衆生起尊重心除我慢心謙下言說八者於世談話不生味着九者近於覺意深起種種善根因緣遠離憤鬧散亂之心十者正念觀佛除去諸想寶積經第九十二佛亦以此十心答彌勒問其中第六心云求佛種智於一切時无忘失心其餘九種文雖少異意同前經但結文云若人於此十種心中隨成一心樂欲往生彼佛世界若不得生无有是處云云明非必具十爲往

生業也觀經云欲生彼國者當修三福一者孝養父母奉事師長慈心不殺修十善業二者受持三歸具足衆戒不犯威儀三者發菩提心深信因果讀誦大乘勸進行者如此三事名爲淨業佛告韋提希汝今知不此三種業過去未來現在三世諸佛淨業正因又云上品上生者若有衆生願生彼國者發三種心卽便往生何等爲三一者至誠心二者深心三者迴向發願心具三心者必生彼國復有三種衆生當得往生何等爲三一者慈心不殺具諸戒行二者讀誦

大乘方等經典三者修行六念迴向發願願生彼國具此功德一日乃至七日卽得往生上品中生者不必受持方等經典善解義趣於第一義心不驚動深信因果不謗大乘以此功德迴向願求生極樂國上品下生者亦信因果不謗大乘但發無上道心以此功德迴向願求生極樂中品上生者若有衆生受持五戒持八戒齋修行諸戒不造五逆無衆過患以此善根迴向願求中品中生者若有衆生若一日一夜受八戒齋若一日一夜持沙彌戒若一日一夜持具

足戒威儀無缺以此功德迴向願求中品下生者若有善男子善女人孝養父母行世仁慈下品上生者或有衆生作衆惡業雖不誹謗方等經典如此愚人多造衆惡法無有慚愧臨終聞十二部經首題名字及合掌稱南無阿彌陀佛下品中生者或有衆生毀犯五戒八戒及具足戒如此愚人命欲終時地獄衆火一時俱至遇善知識以大慈悲為說阿彌陀佛十力威德廣說彼佛光明神力亦讚戒定慧解脫知見此人聞已除八十億劫生死之罪下品下生者或有

衆生作不善業五逆十惡具諸不善如此愚人以惡業故應墮惡道臨命終時遇善知識雖不念佛但至心念聲不絕具足十念稱南無无量壽佛稱佛名故於念念中除八十億劫生死之罪雙卷經三輩業亦不出此觀經以十六觀為往生因寶積經說佛前蓮華化生有四因緣偈云花香散佛及支提不害於他并造像於大菩提深信解得處蓮華生佛前日餘不繁出塔廟異名也

第二惣結諸業者惠遠法師出淨土因要有四一修

觀往生如十六觀二修業往生如三福業三修心往
 生至誠等三心四歸向往生聞淨土事歸向稱念讚
 歎等也今私云諸經行業惣而言之不出梵網戒品
 別而論之不出六度細明其相有其十三一者財法
 等施二者三歸五戒八戒十戒多少戒行三者忍辱
 四者精進五禪定六般若信第一義等是也七發菩提心八
 修行六念念佛法僧戒施天謂之六念十六想觀亦不出之九讀誦大衆十
 守護佛法十一孝順父母奉事師長十二不生憍慢
 十三不染利養也大集月藏分偈云如樹菓繁速自

害竹蘆結實亦如是如任騾犍受自身无智求利亦
 復然若有比丘得供養藥求利養堅著者於世更无
 如此惡故今不得解脫道如是貪求利養者既得道
 已還復失佛藏經迦葉佛記云釋迦牟尼佛多受供
 養故法當疾滅云云如來尚爾何況凡夫大象出窓
 遂為一尾所導行人出家遂為名利所縛則知出離
 最後之怨莫大名利者也但淨名大士身在家心出
 家藥王本事避塵寢居雲山今世行人亦應如是自
 料根性而進止之若不能制其心猶須避於其地麻

中之蓬屠邊之厩好惡由何乎

可見佛藏經知是非也

往生要集卷下本終

往生要集卷下末

天台首楞嚴院沙門 源信撰

大文第十問答料簡者略有十事一極樂依正二往生階位三往生多少四尋常念相五臨終念相六鹿心妙果七諸行勝劣八信毀因緣九助道資緣十助道人法

第一極樂依正者問阿弥陀佛極樂淨土是何身何土耶答天台云應身佛同居土遠法師云是應身應土綽法師云是報佛報土古舊等相傳皆云化土化

身此爲大失依大乘同性經云淨土中成佛者悉是
報身穢土中成佛者悉是化身又彼經云阿弥陀如
來蓮華開敷星王如來龍主如來寶德如來等諸如
來清淨佛刹現得道者當得道者如是一切皆是報
身佛也何者如來化身由如今日誦步健如來魔恐
怖如來等紀集安問彼佛成道爲已久如答諸經云
十劫大阿弥陀經云十小劫平等覺經云十八劫稱
讚淨土經云十大劫邪正難知但雙卷經環與師疏
會平等經云十八劫者其小字闕其中點矣問未來

壽幾何答小經云无量无边阿僧祇劫觀音授記經
云阿弥陀佛壽命无量百千億劫當有終極佛涅槃
後正法住世等佛壽命善男子阿弥陀佛正法滅後
過中夜分明相出時觀世音菩薩於菩提樹下成等
正覺号普光功德山王如來其佛國土无有聲聞緣
覺之名其佛國土号衆寶普集莊嚴普光功德如來
涅槃正法滅後大勢至菩薩卽於其國成佛号善住
功德寶王如來國土光明壽命乃至法住等无有異
問同性經云報身授記經云入滅二經相違諸師何

會谷綽禪師會授記經云此是報身現隱沒相非滅
度也迦才會同性經云淨土中成佛判為報者是受
用事身非實報身也問何者為正耶谷迦才云衆生
起行既有千殊往生見土亦有万別也若作此解者
諸經論中或判為報或判為化皆无妨難也但知諸
佛修行具感報化二土也如攝論加行感化正体感
報若報若化皆欲成熟衆生此則土不虛設行不空
修但信佛語依經專念即得往生亦不須圖度報之
與化也此釋善矣須專稱念勿勞分別問彼佛相

好何以不同谷觀佛經說諸佛相好云同人相故說
三十二勝諸天故說八十種好為諸菩薩說八万四
千諸妙相好比彼佛准之問雙卷經云彼佛道樹高
四百万里寶積經云道樹高十六億由旬十往生經
云道樹高四十万由旬樹下有師子座高五百由旬
觀經云佛身量六十万億那由他恆河沙由旬云云
樹座佛身何不相稱谷異解不同或釋佛境界大小
不相尋或釋寄應佛說樹量寄真佛說身量又有多
釋不可具述問華嚴經云娑婆世界一劫為極樂國

一日一夜等云由此當知上品中生逕宿華開當此
間半劫乃至下下生十二劫當此間恆沙塵數劫何
名極樂答設經恒劫蓮華不開既无微苦豈非極樂
如雙卷經云其胎生者所處宮殿或百由旬或五百
由旬各於其中受諸快樂如忉利天比有師云胎生
是中品下品有師云九品所不攝雖有異說快樂不
別何況判彼九品所逕日時諸師不同懷感智憬等
諸師許彼國土日夜劫數誠當所貴有師云佛以此
土日夜說之令衆生知云今謂後釋无失且以四例

助成一者彼佛身量若干由旬不以彼佛指分疊為
彼由旬也若不尔者應似如須弥山長大之人以一
毛端為其指節故知不以佛指量說佛身長短何必
以淨土時尅說華開遲速耶二者如尊勝陀羅尼經
說忉利天上善住天子聞空聲告汝當七日死時天
帝釋承佛教勅令彼天子七日勤修過七日後壽命
得延取此是人中日夜而說若據天上七日者當於
人中七百歲不應佛世八十年中決了其事九品日
夜亦應同之三者法護所譯經云胎生之人過五百

歲得見於佛平等覺經云於蓮華中化生在城中於是間五百歲不能得出取憬興等師以此文證此方五百歲也今云彼胎生歲數既依此間說九品時尅有何別義不同彼耶四者若據彼界說九品者上品中生一宿上品下生一日夜卽當此界半劫一劫若許尔者胎生疑心者尚逕娑婆五百歲而速得見佛上品信行者豈過半劫一劫而遲開蓮華耶有此理故後釋无失問若以此界日夜時尅說彼相者彼上品生彼國已不應卽悟無生法忍所以然者此界

小時修行爲勝彼國多時善根爲劣旣尔上上品人於此界一日至七日具足三福業尚不能證无生法忍云何生彼聞法卽悟故知經彼國土長遠時尅悟无生忍然約彼名卽悟望此卽億千歲或可上上人必是方便後心圓滿者若不尔者諸支椽椽未知彼國多善劣此界少善勝問雙卷經說於是廣植德本布施惠勿犯道禁忍辱精進一心智慧轉相教化立善正意齋戒清淨一日一夜勝在无量壽佛國爲善百歲所以者何彼國土无爲自然皆積衆善无

毛髮之惡於此修善十日十夜勝於他方諸佛國中
爲善千歲等^上是其勝劣^上二界善根尅對可尔然
值佛緣勝速悟无失或此經但顯脩行難易非顯善
根勝劣譬如貪賤施一錢雖可稱美而不辨衆事富
貴捨千金雖不可稱而能辨^上万事二界修行亦復如
是如金剛般若經云佛世信解未足爲勝滅後爲勝
或有餘義不能委曲問如隨娑婆行因極樂階位有
別所感福報亦有別耶答大都无別細分有差如陀
羅尼集經第二云若人不以香華衣食等供養者雖

生彼淨土而不得香華衣食等種種供養之報^{此文}

^{佛本願更}思釋之^更一師因法師同云約實而論亦有勝劣

然其狀相似故說無好醜問極樂世界^太此幾處答
經云從此西方過十万億佛土有極樂世界有經云
於是西方^太此世界過百千俱胝那庾多佛土有佛
世界名曰極樂問二經何故不同答論智光疏意云
言俱胝者此爲億也那由多者當此間^欵數也世俗
言十千曰万十万曰億十億曰兆十兆曰經十經曰
欵欵猶是大數也百千俱胝卽十万億億有四位一

者十萬二者百萬三者千萬四者万万今言億者卽
是万万爲顯此義舉那庾多上已此釋可思問彼佛所
化爲唯極樂爲亦有餘答大論云阿彌陀佛亦有嚴
淨不嚴淨土如釋迦文問何等是耶答極樂世界卽
是淨土然其穢土未知何處但道綽等諸師以鼓音
聲經所說國土爲彼穢土如彼經云阿彌陀佛與聲
聞俱其國号曰清泰聖王所住其城縱橫十千由旬
於中充滿剎利之種阿彌陀如來應正遍知父名月
上轉輪聖王其母名曰殊勝妙顏子名月明奉事弟

子名无垢稱智慧弟子曰攬光神足精勤名曰大化
尔時魔王名曰无勝有提婆達多名曰寂靜阿彌陀
佛與大比丘六万人俱上已問彼佛所化爲唯極樂清
泰二國答教文隨緣且舉一隅論其實處不可思議
如華嚴經偈云菩薩修行諸願海普隨衆生心所欲
衆生心行廣无边菩薩國土遍十方又云如來出現
遍十方一一塵中无量土其中境界亦无量悉住无
边无盡劫問如來施化事不孤起要對機緣何遍十
方答廣劫修行成熟无量衆故彼機緣亦遍十方界

如華嚴偈云往昔勤修多劫海能轉衆生深重障故
能分身遍十方悉現菩提樹王下

第二往生階位者問瑜伽論云三地菩薩方生淨土
今勸地前凡夫聲聞有何意答淨土差別故无有過
如感師釋云諸經論文說生淨土各據一義淨土既
有麤妙勝劣得生亦有上下階降又道宣律德云三
地菩薩始見報佛淨土問設非報土惑業重者豈得
淨土答天台云无量壽國雖果報殊勝臨終之時懺
悔念佛業障便轉卽得往生雖具惑染願力持心亦

得居也問若許凡夫亦得往生弥勒問經如何通會
經云念佛者非凡愚念不雜結使得生弥陀佛國答
西方要决釋云知娑婆苦永辭染界非薄淺汎當來
作佛意專廣度法界衆生有斯勝解故非愚也正念
時結使眠伏故言不雜結使念也抄意云凡夫行人
具此德也問彼國衆生皆不退轉明知非是凡夫生
處答所言不退者非必是聖德如要决云今明不退
有其四種十住毗婆娑云一位不退卽修因万劫不
復退墮惡律儀行流轉生死二行不退已得初地利

他行不退三念不退八地已空无功用意得自在故
四處不退雖无支證約理以成何者如天中得果卽
得不退淨土亦亦命長无病勝侶提攜純正无邪唯
淨无染恒事聖尊由此五緣其處无退略抄上問九品
階位異解不同如遠法師云上上生四五六地上中
生初二三地上下生地前卅心也力法師云上上行
向上中十解上下十信基師云上上十廻向上中解
行上下十信有云上上十住初心上中十信後心上
下十信初位有云上上十信及以前能發三心能修

三行者也上中上下唯取十信以前發菩提心修善
凡夫起行淺深以分三品也所以諸師所判不同者
以无生忍位不同故仁王經无生忍在七八九地諸
論在初地或忍位本業瓔珞經在十住華嚴經在十
信占察經說修一行三昧得相似无生法忍者也故
諸師各據一義也中品三生遠云中上是前三果中
中是七方便中下是種解脫分善人力法師同之基
云中上四善根中中三賢中下方便前人右云如次
忍頂軟右云三生並是種解脫分善根人也已上六品亦有

餘釋見感禪師論龍興記等 下品三生无別階位但是具縛造惡

人也問明往生人其位有限寧知猶是我等分耶答
上品之人階位設深下品三生豈非我等耶况彼後
釋既取十信以前凡夫爲上品三又觀經善導禪師
玄義以大小乘方便以前凡夫判九品位不許諸師
所判深高又經論多依文判義今經所說上三品業
何必執爲深位行耶問若尔生彼不應早悟无生法
忍答天台有二无生忍位若別教人歷劫修行悟无
生忍若圓教人乃至惡趣身亦有頓證者穢土尚尔

何況淨土彼土諸事莫例餘處何處一切凡夫未至
其位終无退墮何處一切凡夫悉得五神通妙用无
尋耶證果遲速例亦可然問上品生人得益早晚下
向尔耶答經中且舉一類故慧遠和尚觀經義記云
九品人生彼國已得益之劫數依勝而說理亦有過
之者取意今謂汎論九品或復可有少分速於此者問
雙卷經中亦有如弥勒等諸大菩薩當生極樂故知
經中九品得益依劣而說何言依勝耶答馱生彼國
始悟无生前後早晚謂之依勝更不論彼上位大士

然彼大士於九品中攝與不攝別應思擇問若凡下輩亦得往生云何近代於彼國土求者千万得无一二答縛和尚云信心不深若存若亡故信心不一不決定故信心不相續餘念間故此三不相應者不能往生若具三心不往生者无有是處導和尚云若能如上念念相續畢命為期者十即十生百即百生若欲捨專修雜業者百時希得一二千時希得三五知上者指禮讚等五念門至誠等三心長時等四修也問若心畢命為期者如何感和尚云長時短時多修少修皆得往生耶答業類

問菩薩下至相違也化土卷本五抄出中畧國土快樂等四字一字又已在云云

非一故二師俱无過然畢命為期勤修无怠令業決定是為張本問菩薩處胎經第二說西方太此閻浮提十二億那由他有懈慢界國土快樂作倡伎樂衣被服飾香華莊嚴七寶轉開床舉目東視寶床隨轉北視西視南視亦如是轉前後發意衆生欲生阿彌陀佛國者皆懈著懈慢國土不能前進生阿彌陀佛國億千万衆時有一人能生阿彌陀佛國上以此經准難可得生答群疑論引善導和尚前文而釋此難又自助成云此經下文言何以故皆由懈慢執心不牢

固是知雜修之者為執心不牢之人故生懈慢國也
若不雜修專行此業此即執心牢固定生極樂國至
又報淨土生者極少化淨土中生者不少故經別說
實不相違也此問設雖不具三心雖不期畢命彼一
聞名尚得成佛况暫稱念何唐捐耶答暫似唐捐終
非虛設如華嚴偈說聞經者轉生時益云若人堪任
聞雖在於大海及劫盡火中必得聞此經大海者釋
云由餘業故生彼難處由前信故成此根器云信華
嚴者既而如是信念佛者豈无此益彼一生作惡業

臨終遇善友纔十念佛即得往生如是等類多是前
世欣求淨土念彼佛者宿善內熟今開發耳故十疑
云臨終遇善知識十念成就者並是宿善強得善知
識十念成就云云感師意亦同之問下下品生若依宿
善十念生本願即有名无實答設有宿善若无十念
定墮无間受苦无窮明臨終十念是往生勝緣
第五往生多少者雙卷經云佛告弥勒於此世界六
十七億不退菩薩往生彼國一一菩薩已曾供養无
數諸佛次如弥勒諸小行菩薩及修小功德者不可

稱計皆當往生他方佛土亦復如是其遠照佛國百八十億菩薩寶藏佛國九十億菩薩无量音佛國二百二十億菩薩甘露味佛國二百五十億菩薩龍勝佛國十四億菩薩勝力佛國萬四千菩薩師子佛國五百菩薩離垢光佛國八十億菩薩德首佛國六十億菩薩妙德山佛國六十億菩薩人王佛國十億菩薩无上花佛國無數不可稱計不退諸菩薩智慧勇猛已曾供養无量諸佛於七日中卽能攝取百千億劫大士所修堅固之法无畏佛國七百九十億大菩薩衆諸小菩薩及比丘等不可稱計皆當往生不但此十四佛中諸菩薩等當往生也十方世界无量佛國其往生者亦復如是甚多無數我但說十方諸佛名號及菩薩比丘生彼國者晝夜一劫尚未能竟已此諸佛土中今娑婆世界有修小善當往生者我等今幸遇釋尊遺法億劫時預小善往生流應務勤修莫失時焉問若少善根亦得往生如何經云不可以少善根福德因緣得生彼國答此有異解不能繁出今私案云大小无定相待得名望大菩薩名之少

善望輪迴業名之爲大是故二經義不違害

第四明尋常念相者此有多種大分爲四一定業謂坐禪入定觀佛二散業謂行住坐臥散心念佛三有相業謂或觀相好或念名號偏厭穢土專求淨土四无相業謂雖稱念佛欣求淨土而觀身土卽畢竟空如幻如夢卽躰而空雖空而有非有非空通達此无二眞入第一義是名无相業是最上三昧故雙卷經阿弥陀佛言通達諸法性一切空无我專求淨佛土必成如是剎又止觀常行三昧中有三段文具如上

別行中引問定散念佛俱往生耶答慙重心念无不往生故感師說念佛差別云或深或淺通定通散定卽於凡夫終于十地如善財童子於功德雲比丘所請學念佛三昧此卽甚深法也散卽一切衆生若行若坐一切時處皆得念佛不妨諸務乃至命終亦成其行比問有相无相業俱得往生耶答綽和尚云若始覺者未能破相但能依相專至无不往生不須疑也又感和尚云往生旣品類差殊修因亦有淺深各別不可但言唯修无所得而得往生有所得心不得

生也問若尔如何佛藏經說若有比丘教餘比丘汝當念佛念法念僧念戒念施念天如是等思惟觀涅槃安樂寂滅唯愛涅槃畢竟清淨如是教者名為邪教名惡知識是人名為誹謗於我助於外道如是惡人我乃不聽受一飲水又言寧成熟五逆重惡不成就我見衆生見壽見命見陰入界見等耶已上略抄峇感師釋云有聖教復言寧起我見如須弥山不起空見如芥子許如是等諸大乘經訶有訶空讚大讚小並乃逗機不同又有經言今者阿弥陀如來應正等覺

具有如是卅二相八十隨形好身色光明如聚金融如是乃至不念彼如來亦不得彼如來已如是次第得空三昧又觀佛三昧經云如來亦有法身十力无畏三昧解脫諸神通事如此妙處非汝凡夫所覺境界但當深心起隨喜想起是想已當復繫念念佛功德故知初學之輩觀彼色身後學之徒念法身也故言如是次第得空三昧當須善會經意勿生毀讚之心妙知大聖巧逗根機者已上觀佛經第九說觀佛有所引之十力无畏三昧等文也問念佛之行於九品中是何品攝

答若如說行理當上上品如是隨其勝劣應分九品
然經所說九品行業是示一端理實无量問為如定
散俱得往生亦為現身俱見佛耶答經論多說三昧
成熟即得見佛明知散業不可得見唯除別緣問有
相无相觀俱得見佛耶答无想見佛理在不疑其有
相觀或亦見佛故觀經等勸觀色相問若有相觀亦
見佛者云何華嚴經偈云凡夫見諸法但隨於相轉
不了法无相以是不見佛有見則為垢此則未為見
遠離於諸見如是乃見佛又云了知一切法自性无

所有如是解法性即見盧舍那金剛經云若以色見
我以音聲求我是人行邪道不能見如來答要決通
云大師說教義有多門各稱時機等无差異般若經
自是一門弥陀等經復為一理何者一切諸佛並有
三身法佛无形躰非色聲良為二乘及小菩薩聞說
三身不異即謂同有色聲但見化身色相遂執法身
亦尔故說為邪弥陀經等勸念佛名觀相求生淨土
者但以凡夫障重法身幽微法躰難緣且教念佛觀
形禮讚略抄問凡夫行者雖勤修習心不純淨何輒見

佛吞衆緣合見非唯自力般若經有三緣如上九十
 日行所引止觀文問以幾因緣得生彼國吞依經案
 之具四因緣一自善根因力二自願求因力三弥陀
 本願緣四衆聖助念緣釋迦護助出平等覺經六方
 佛念出小經山海慧菩薩等
護持出十
 往生經云

第五明臨終念相問下下品人臨終十念即得往生
 所言十念何等念耶吞綽和尚云但憶念阿弥陀佛
 若惣相若別相隨所緣觀逕於十念无他念想間雜
 是名十念又云十念相續者是聖者一數之名耳但

能積念凝思不緣他事便業道成辨亦未勞記之頭
 數也又云若久行人念多應依此若始行人念者記
 數亦好此亦依聖教上有云一心稱念南无阿弥陀
 佛逕此六字之頃名一念也問弥勒所問經十念往
 生彼下一念深廣如何今云十聲念佛得往生耶吞
 諸師所釋不同寂法師云此說專心稱佛名時自然
 具足如是十非必下一別緣慈等亦非數彼慈等為
 十云何不別緣而具足十如欲受戒稱三歸時雖不
 別緣離殺等事而能具得離殺等戒當知此中道理

又亦又可具足十念稱念南无阿弥陀佛者謂能具足慈等十念稱南无佛若能如是隨所稱念若一稱若多稱皆得往生感法師云各是聖教互說往生淨土法門皆成淨業何因將彼爲是斥此言非但自不解經亦乃惑諸學者迦才師云此之十念現在時作觀經中十念臨命終時作已意同感師問雙卷經云乃至一念得往生此與十念云何乖角答感師云極惡業者滿十得生餘者乃至一念亦生問生來作諸惡業不修一善者臨命終時纔十聲念何能滅罪永

出三界卽生淨土答如那先比丘問佛經言時有彌蘭王問羅漢那先比丘言人在世間作惡至百歲臨歿時念佛歿後生天我不信是說復言殺一生命歿卽入泥梨中我亦不信也比丘問王如人持小石置在水中石浮耶沒耶王言石沒也那先言如今持百丈大石置在船上沒不王言不沒那先言船中百丈大石因船不得沒人雖有本惡一時念佛不沒泥梨便生天上何不信耶其小石沒者如人作惡不知經法歿後便入泥梨何不信耶王言善哉善哉比丘言